

續  
文獻通考

卷一九六——一九九

7保士  
5266  
70-54





門 7保4  
號 5266  
卷 70-54

續文獻通考卷之一百九十六

皇明進士雲間王圻纂輯

封建考 皇明封建事例

太祖定天下首追封同祖之親凡十五王 壽春王

祖熙

之子 安豐王 霍丘王 下蔡王 蒙城王 俱壽春王之子

都梁王 六安王 來安王 英山王 俱安豐王

寶應王 霍丘王之子 臨淮王 南昌王 盱眙王 皆

太祖之兄 山陽王 改靖江王 南昌王之子 招信王 盱眙

王之 洪武已巳始定 宗人府以掌其事凡 東宮親

王位下各擬名二十字日後生子及孫即以上開付宗

人府立雙名每一世取一字以為上字其下字臨時隨



意選擇以爲雙名編入玉牒至二十世後照例續添如  
東宮位下則曰允文則祖訓鎮武大君勝訓道宜逢  
吉師良善用晟 燕王位下則曰高瞻祁見祐厚載翊  
常由慈和怡伯仲簡靖迪先猷之類是也 八年乙卯  
定 諸王 宗人祿米歲 親王米五萬石鈔錦紵絲  
紗羅絹布綿鹽茶粟又萬計 靖江王二萬石 郡王  
六千石鈔等城十九 郡王諸子年十五人賜田十六  
頃爲永業除其租是年定 王邸殿門名 二十年丁  
卯秋 詔給 親王歲祿五萬石停茶鹽布絮勿給  
二十五年壬申春正月 太祖御奉天門 手勅以賜  
諸王有云常歲訓將練兵驗視周迴險易造軍器務要

精堅堪用庶使奸邪難以口舌惑聽遂 召修撰許觀

練子寧編修吳言信等執筆聽書畢 太祖顧 皇長

孫自建曰汝諦閱之當使邊塵不動貽汝以安也自是

諸王得專制國中提兵防禦地大權重易生驕僭時

葉居升應 詔陳言極論分封大侈 太祖怒曰小子

敢聞吾骨肉吾見且切齒可使吾兒見乎速取來吾將

手射之且啖其肉逮至瘦死刑部獄後無復敢言者

雙溪雜記云 國初天下 諸王皆置護衛有兵權至

太宗靖難後遂皆革罷不許來朝豈亦有感于居升

之言耶居升字伯臣 二十六年戊辰 賜諸王永鑑

錄 二十八年乙亥秋八月更定 宗人封爵冊寶之



制 皇太子及 親王金冊金寶 皇太子妃及妃止  
授金冊 皇太子嫡長子爲 皇太孫 次嫡子并庶  
子年十五皆封 郡王授以塗金銀冊銀印 親王嫡  
長子年十歲封 皇世子授以金冊金寶庶子年十歲  
皆封 郡王授以鍍金銀冊銀印 王世子必以嫡  
長以庶奪嫡降庶人重則遠竄 王年三十 正妃未  
有子庶子止封 郡王侯王與妃年五十無子始封庶  
長子爲 王世子凡嗣封受封納地 朝廷遣使行  
冊命禮 郡王次子授鎮國將軍職三品次孫輔國將  
軍職四品次曾孫奉國將軍職五品凡三等次玄孫鎮  
國中尉職六品次五世孫輔國中尉職七品次六世孫

以下奉國中尉職八品凡三等 親王女曰郡王 郡  
王女曰縣王 郡王孫女曰郡君 郡王曾孫女曰縣  
君 郡王玄孫女曰鄉君凡五等 靖江王府視 郡  
王降一等 宗人有文武才能堪任用者 宗人府以  
名聞考驗陞轉如常選法有犯 宗人訊問量罪降等  
重者斥爲庶人罰而不刑是年秋九月壬寅更定 親  
王祿米先是 太祖謂戶部尚書郁新等曰朕今子孫  
衆盛原定 親王歲用祿米各五萬石天下官吏軍士  
亦多俸給彌廣其斟酌古制量減 各王歲給以資軍  
國之用至是戶部議更定 親王歲給米萬石 郡王  
二千石鎮國將軍一千石輔國將軍八百石奉國將軍



六百石鎮國中尉四百石輔國中尉三百石奉國中尉  
二百石公主及駙馬二千石郡主及儀賓八百石縣主  
及儀賓六百石郡君及儀賓四百石縣君及儀賓二百  
石鄉君及儀賓一百石遂遣使 召諸王至京 諭以  
減祿米之故見聖政記 因以 祖訓錄賜之 三十一年  
勅遼寧諸王據邊場孳牧勿侵民田 是年冬命 王  
府官不得三六九載考覈 永樂年間 詔加鎮國將  
軍一品輔國將軍從二品奉國將軍從三品鎮國中尉  
從四品輔國中尉從五品奉國中尉從六品

凡 親王封典

今上萬曆十年議准 親王薨逝其子應襲封及 世孫

承重者先請 勅管理府事俟服制已滿方許請封不  
得服內陳乞正德四年例 若薨而絕嗣許親弟親姪進封為

親王如無親弟親姪以次推及倫序相應者進封該  
有期功服制亦先請 勅管理府事俟本等服制滿日  
請封日後子孫除承襲 親王外其餘俱照依原封世  
次授以本等爵級不准加封若嘉靖四十四年例前加  
封者姑准照常傳襲例後加封者查照世次改正其進  
封者所支祿米如原係 郡王仍支 郡王祿原係將  
軍中尉仍支將軍中尉祿日後子孫襲 王亦照始進  
封之祿支給萬曆七年例

凡追封 親王



世宗嘉靖八年令凡孫襲祖爵者得追封其父母曾孫襲  
曾祖爵者得追封其祖父母父母旁支襲爵者得追封  
其本生祖父母父母妻先故者得追封為妃郡王同

今上萬曆七年議准 世子早逝其子承襲而追封者子  
孫封爵姑免查革若原非聽繼 親王人數特以子進

封而得封者雖在例前其次嫡庶子止授本等官職已  
封者姑俟終身其子改正若追封在例後者雖係世子

其次子止照原議授以本等官職 十年議准 親王  
薨逝 世子先故或以孫承襲而追封 世子為 親

王或 親王故絕旁支進封而追封其父為 親王其  
次子以下俱照依原封世次授以本等爵級不准加封

若嘉靖四十四年例前加封者姑准照常傳襲例後加  
封者查照世次改正

凡 郡王封典

今上萬曆十年議准凡 郡王薨逝原與 親王同城者

其子孫服滿之日照常請封若另城者應襲子孫先請  
勅管理府事亦候服制滿日請封故絕者俱不得襲

封與 親王同城者其宗支自奉 親王約束止許  
推舉倫序相應之人以本等爵職請 勅奉祀另城者

許推舉一人以本等爵職請 勅管理府事亦不得陳  
乞繼封正德四年例 若以 郡王進封 親王者其郡爵亦

不許補襲請 勅奉祀如前例嘉靖四十四年例



凡追封 郡王

今上萬曆十年議准 郡王薨逝長子先故其孫承襲之後例得追封長子為 郡王其次子以下俱照依原封世次授以本等爵級不得比 世子例前追封 親王例冒請加封弘治七年例 其追封 親王 郡王之嫡配已故一體追封為 親郡王妃若係見存亦次加封但止請 勅知會不遣官 冊封不給冠服等件弘治十年例

凡請改封典

今上萬曆十年議准 親王嫡長子封為 世子次嫡庶子封為 郡王 郡王嫡長子封為長子次嫡庶子封為鎮國將軍如 世子長子有故 親王次嫡子改封

世子 郡王次嫡子改封長子或妃年五十以上無

出及妃已故 親王庶長子亦改封 世子 郡王庶

長子亦改封長子若未封者徑得請封 親王嫡長孫

封為世孫 郡王嫡長孫封為長孫 親王嫡長曾孫

封為曾世孫 郡王嫡長曾孫封為曾長孫如世孫長

孫有故次嫡庶孫應繼 王爵者亦許改封為世孫長

孫嘉靖四十四年例

凡庶子襲封

今上萬曆十年議准 親郡王娶有內助妾媵不論入府先後已未加封所生之子皆為庶子如嫡子有故庶子襲封父爵定以庶長承襲若有越次爭襲朦朧奏擾者



將本宗參究罰治輔道官并同謀撥置之人行巡按御史提問治罪

凡請封生母

太祖洪武二十五年議准 王妃以下有所出者稱夫人

弘治四年定 親王庶子受封其母始稱夫人 十

三年奏准 親王妾媵生女者不得援生子例請封夫

人 嘉靖四十三年題准 親王之妾其子已襲封

親王而嫡妃不存者准封繼妃 郡王之妾其子已襲

封 郡王而嫡妃不存者准封次妃俱止請 勅知會

不給 詔命冠服身後減半祭葬 萬曆七年議准將

軍以下其生母年踰七十者許其存請各從子爵秩准

與封號 十年議准 親王庶子襲封 親王而嫡母

不存者生母許封次妃弘治二年但不得濫請繼妃封號

郡王庶子襲封 郡王而嫡母不存者生母亦許封

次妃俱止請 勅知會不給 詔命冠服身後與祭一

壇無葬若已故者俱准追封次妃其 親王庶子初封

郡王者生母止封夫人弘治四年不在次妃之例將軍

中尉如嫡母不存其生母亦各從子之爵秩授封夫淑

恭宜安人止行文該府知會俱不給 詔命祭葬若已

故者亦准追封其養母庶母不許一槩濫請至於生母

年老多疾其子願請出府就養者許其陳乞嘉靖十一年

子多者仍聽遞相迎養萬曆七年例



凡遣使冊封

世宗嘉靖三十二年題准每年冊封三月題請四月初旬  
傳 制遣官出京 四十四年奏准冊封 親王及  
親王妃勳戚大臣為正使翰林坊局六科 尚寶及卿  
寺五品以上官副之 冊封 世子 郡王及 世子  
郡王妃翰林坊局六科 尚寶及卿寺五品以上官  
為正使部寺屬官中書行人等官副之

凡冊寶

太祖洪武間定  
王 王世子俱受金 冊金寶行  
印綬監鑄給 銀作局造辦 冊文行翰林院撰  
作中書科書寫 仗行 內官監造如係舊府先

年曾請封 世子者 金寶儀仗傳用俱不另給

子承襲止授金 冊傳用金寶 郡王鍍金銀印鍍金

銀冊儀仗冠服冊文俱照 世子例行 親王妃用金

冊九翟冠服冊文照 親王例行餘俱傳用 世子

妃用金 冊七翟冠服餘照 親王妃用 郡王妃用

鍍金銀 冊七翟冠服如初封者用儀仗襲封者不用

世子并妃 郡王并妃係初封該給銀造大器一分於

銀作局關領襲封者傳用不領 嘉靖四十四年題准

初封 郡王及妃銀大器俱令自備不許請給 世孫

長子長孫及世孫夫人長子夫人長孫夫人俱止給冠

服不給 誥命鎮國將軍夫人及郡王以下俱給 誥



命

凡酌議工價

今上萬曆十年議准 郡王初封者爵秩雖同然有 帝  
孫 王孫之異係 帝孫者儀仗房屋冠服及身後墳  
價俱照例全給其餘 郡王儀仗房屋冠服止令自備  
不必奏請關給身後墳價量給一半如 妃先故給與  
造墳以後 王故之日止開壙合葬若 王故在萬曆  
七年例前而 妃今故者不必補給 世子墳價與  
郡王同至於將軍中尉郡縣主君等房屋冠服墳價俱  
一槩停免

凡管理府事

武宗正德六年議准 郡王患病及薨逝其子幼小有以  
親支暫管府事者禮部請 勅着令用心撫養毋致失  
所候其長成仍回本府不許干預一應事務 嘉靖一  
十二年議准 郡王惟管理府事者請 勅其餘不許  
續請 四十三年議准凡 親王有罪削封本府各  
郡王聽自行管束宗儀及奏請一應事件若迎接 詔  
勅 大宗廟祀則輪遞從尊者 萬曆十年議准凡  
親王薨子幼許撫按官推舉 郡王一位請 勅暫管  
理府事凡一應奏請名封鈐束宗儀事件悉令管理惟  
錢糧止許稽查不許收掌待嗣子年長稍知事體即便  
具奏迴避其另城 郡王薨子幼亦聽撫按官於將軍



中尉內推舉一位請 勅攝理府事俱要倫次相應賢  
能素著者方行推選不得徇情濫舉致啓爭端  
嘉靖四十四年例

### 凡鈐束宗儀

孝宗弘治十七年議准各 王府儀賓戚屬如自恃尊屬  
以 王幼冲不服鈐束肆情縱欲任意非爲敗倫傷化  
聽 王指實具奏巡撫等官照例會本奏聞區處共教  
授等官不行勸正及軍民旗校無籍之徒并樂土人役  
哄誘撥置生事者重治 正德四年議准 親郡王患  
病或年雖尚幼其合府 郡王將軍以下悉該聽其鈐  
束有事必啓而行違者許該府指實奏 嘉靖二十

四年議准各府儀賓務要照將軍等例五日 赴府講  
押或不到卽時差人查究下落其有無故推托者聽  
親王量加罰治若累次抗違不到備由叅奏前來以憑  
題請處治搆訟緣事者將俸糧按月扣留在官作正支  
銷

### 凡查革冒封

今上萬曆十年議准 郡王無繼統之例其進封 親王  
或薨故絕嗣或犯罪革爵者子孫弟姪及旁支疎族俱  
不准承襲 王爵先年有冒封過者許各自首姑惟本  
爵終身不分同城另城其長子次子俱止授世次本等  
爵級有以前加封者悉令改正若隱匿不首查出之日



卽行削奪不俟終身

凡進繳冊印

今上萬曆十年議准 郡王初封給有冊印其緣事降革者例當繳奪若薨故而本支盡絕無人收藏者亦當追

繳

正德二年及嘉靖四十二年例

今後遇有此項通送

親王奏繳不

許稽遲留外以滋弊端其有進封

親王或改封

世

子及雖故絕本府尚有人奉祀者止令繳印不必繳

冊 萬曆七年例

凡宗支奏報

孝宗弘治十年令凡

王府宗支但有新生子女卽報本

支

郡王啓

親王審實年終類奏長史造冊二本齎

送到部一送宗人府比對一留禮部查考其各城另錄

郡王照例徑奏教授造冊繳部

正德四年題准各王

府初生子女三日後卽行具本奏報其冊一年一次備

造一樣二本分送禮部并 宗人府以便查考

萬曆

十年議准

宗室新生女子三日後卽具啓各該 親

郡王及管理府事者審實取具收生親職官眷人等保

結明白按季類奏或因事稽遲許以下季補奏每年終

備將奏報過子女攢造文冊一樣二本齎部一轉送

宗人府比對一收貯禮部查考如有不依期奏報及未

經保結明白朦朧妄報者俱候年終將長史教授等官

量罪重輕叅治所報子女日後不許請名請封

弘治十年正德



四年例同但當時  
一年一次奏報

凡查叅玉牒

今上萬曆十年議准各 王府玉牒冊每年八月以裏遵  
照冊式攢造一樣二本冊尾明註監造某官對同某官  
書寫其後差人齎送到部一轉送 宗人府一收貯禮  
部除過期不到者聽 宗人府查叅外其造到文冊但  
有開載不明或嫡庶混淆或名位舛錯或那移封期或  
增減年歲等項情弊本部即將經管員役指名叅究原  
封駁回另造嘉靖四十四年例其本年內殤卒位數照依宗支  
歲報冊一體開報以備查考  
凡名封奏結

今上萬曆十年議准 宗室子女請名請封俱由各該  
親郡王及管理府事者審實定於每季仲月類奏一次  
仍取具本位親支如無親支以次挨及房族 宗室五  
位并長史教授等官兩鄰收生人等不致扶同欺隱甘  
結於具奏之時一併差人齎送到部轉行 宗人府備  
查生年月日父爵毋封明白回報仍將禮部收貯 玉  
牒文冊查對相同方與題覆其或查無奏報及有差錯  
者行布政司查勘若有扶同隱匿將額外濫收妻媵并  
乞養過房來歷不明樂婦花生傳生子女捏作嫡出庶  
出朦朧冒請名封者本部查出或被奏告事法將本位  
叅降爵級保勘 宗室罰革祿米長史教授等官革職



一應甘結人等行巡按御史提問以枉法論罪弘治間及嘉靖  
三十如 王奏到三月以外而長史教授等結未到致  
妨查題者禮部每上半年查叅一次行巡按御史將  
長史教授等官提問

凡奏請期限

英宗天順八年定各 王府所生子女年至十五方許請  
封 嘉靖四十年議准 親郡王將軍中尉所生之子  
俱五歲即與請名候該府奏到禮部類題行翰林院遵  
照 祖訓欽定字樣編擬名字簿登記於每年三九月  
內類行翰林院請 勅頒行各 王府 萬曆七年議  
准請名封過期者非 特恩不許濫給冠帶 十年議

准凡 親郡王將軍中尉之子不分長次嫡庶俱年五  
歲請名 親王嫡庶子女及世孫 郡王嫡長子長孫  
俱年十歲請封十五歲選婚 親王次嫡庶孫 郡王  
次嫡庶子及嫡庶女將軍中尉嫡庶子女俱年十五歲  
請封即與選婚若因事耽延未能如期奏請者聽請各  
請封過期五年以下查題十年以下行勘十五年以下  
勘明另題止給名糧五十石本折中半兼支十五年以  
上立案如係聽繼 王爵人數過期年久例應另題立  
案者臨期請 旨定奪男選婚女請封過期十年以下  
查題十五年以下行勘十五年以上立案其庶人請給  
名糧亦許十五歲具奏過期一如選婚例行



凡稽查奏勘

今上萬曆十年議准 王府奏請名封婚禮等項長史教授等官將歷年冊籍備查的確及審擬各該人役保勘明白與例相合啓 王如式具奏不得受賄徇私將違礙事情混行奏擾亦不得因而留難勒指累苦貧宗其禮部行勘事件該布政司務要查覈明確依期回覆不得止據長史教授申文抄寫以了前件亦不得遲延日久以致守候不便今後但有奏請違礙責在長史教授等官回報草率及遲至一年之外者責任該布政司官聽本部酌量事情重輕參奏

凡犯罪革爵

太祖洪武二十八年

諭曰

皇親國戚有犯在

嗣君

自決之惟謀逆不赦餘犯輕者與在京諸親會議重者

與在外 諸王及在京諸親會議皆取自 上裁其所

犯之家止許法司舉奏並不許擅逮問合依親戚如

皇后家如 皇妃家 東宮妃家 王妃家 郡王妃

家駙馬家儀賓家魏國公曹國公信國公西平侯武定

侯家朕皆已著之 祖訓爾五府六部等衙門以言刑

梓揭于官署永為遵守 弘治十六年定 郡王已革

王爵將軍中尉已革官職或降為庶人者其降革以

後所生子女不許請封 嘉靖五年議准庶人發高墻

者其未革爵前所生子女係無罪之人俱存留在府居



任責令相應親屬照管候長城備查伊父犯罪緣由奏請 萬曆十年議准凡 宗室有犯罪革爵者未封子女無論革前革後所生一槩不許請封 嘉靖四十四年例 其已請而無同惡情由者備查所犯輕重分別奏請止係越閑訐奏等項革爵者已封子孫姑免查革若犯該敗倫傷化人命強盜等項子孫除同惡隨坐外其餘一體降為庶人日後不許援引遠年寬宥事例覲復封爵 萬曆七年例 其在內法司及在外撫按等官但有干係 宗室降革等項者俱備開所犯案由行移禮部知會以便查考

宗學 書院附

凡修明宗範

萬曆十年題准凡

宗宗之子年十歲

以上俱入宗學其師即以本府教授紀善等官選取學行俱優者充之若宗生衆多則分置數師或於 宗室中推舉一人為宗正主領其事令各生誦習 皇明祖訓孝順事實為善陰騭等書至于四書五經史鑑性理亦相兼講讀俟年至十五許照例請封先給祿米三分之一仍習學五年驗有進益 親王方與奏請出學支本等全祿 嘉靖四十四年例 另城者該府 郡王或管理府事者奏請其有放縱不循禮守法者學師具啓各該 親郡王小則徑自訓責大則參奏降革 凡府第 萬曆七年議准 郡王故絕無人管理奉祀者例前官給府第候 官眷終後仍入官變賣以充祿



糧 十年議准 郡王故絕所遺府第屯厰莊田等項  
 教授等官逐一查理明白申呈撫按衙門除嘉靖四十  
 四年例前官給府第聽管理奉祀者承任安奉香火外  
 如有原出 親王撥給者仍留 官眷養贍身終之後  
 復歸 親王若 郡王存日有自置產業量給三分之  
 一與管理奉祀者為歲時祭祀之需其餘皆留 官眷  
 養贍身終之後聽有司從公分給親支如無人管理奉  
 祀者其府第別產聽從 官眷變賣養贍  
 凡獎諭 萬曆十年議准 宗室有孝友兼至及婦女  
 守節貞烈足以激勵風化者各具實跡奏聞憑覈勘  
 明白或立坊旌表或請 勅獎諭或加 贈封號長史

教授官并 宗儀人等不許需索抑勒亦不許扶同欺  
 罔有孤 恩典

凡罪宗 萬曆十年議准罪宗庶人止與各糧

見戶部

凡男女婚嫁之資一槩免給其高墻閒宅正犯已故所

遺家屬許各該撫按官奏請釋放送回本府居住

嘉靖四十四年

仍備查先年所犯情由如係黨逆干紀罪惡深重

者子孫止從寬釋不許濫請名糧若犯該敗倫傷化人

命強盜等情見在子孫許其請名歲各給本色米十二

石身終即止其有止犯越關許奏等項請名之後亦各

歲給本色米十二石日後子孫如之

萬曆九年

如止遺母

妻無子孫可倚賴者歲給養贍米各六石終身私收妾



勝止許釋放不在養贍之例

凡庶人冠帶 萬曆十年議准凡罪犯革爵及擅婚濫

妾越闕過期各庶人准給口糧養贍俾無失所已為

恩厚更不許請乞冠帶以濫 朝廷名器如違例瀆奏

一槩立案不行

凡保陞內官 萬曆十年題准 王府承奉等官額設

一正一副俱照次序遞轉承奉正副員缺該典寶正副

挨補典寶正副員缺該典膳正副挨補典膳正副員缺

該典服正副挨補典服正副員缺該門官挨補門官員

缺該內使陞補不容一槩濫請其各處無名內使私自

淨身人等有托故擅入 王府因而檢置害人貽累

宗室者撫按官嚴加禁治正德十年例若各 王府收用

自淨身之人及有違例保者聽禮部查叅并將長史等

官究治嘉靖四十四年例

凡奏討內使 萬曆十年議准 親王內使如司冠司

丞司佩司履司樂司弓矢之屬總數不過十名若果原

額缺人其實奏討司禮監擇其老成讀書者量撥四名

世子及 郡王原未經撥給者各量撥二名其將 軍

中尉不許違例濫請嘉靖四十四年例至于內使冠帶限以到

府年分 親王內使須歷十年之上 郡王內使須歷

十二年之上方許具奏請給年淺者不得朦朧奏討嘉靖

八年例其淨身男子平巾查係禮部分撥者方與題請若



各 王府私收者不准

凡郡王厨校 萬曆十年議准 郡王厨役止許撥給

二名有護衛儀衛去處護衛儀衛撥給無護衛儀衛者

有司撥給 嘉靖三十二年例 其校役不拘 郡王舊封新封俱

以二十四名為額除原係護衛僉撥者仍於本衛僉撥

外其不係護衛僉撥者有護衛去處該衛撥與軍餘十

二名民間僉派十二名無護衛去處俱於民間僉派 嘉

靖八年例 每名每年於徭編內民厨徵銀十兩民校徵

銀十二兩解赴布政司轉發該府僱人代役原撥民厨

民校掣回有司當差不許仍令身當隱蔽差役如有占

恡不發者聽撫按官叅奏其絕封 郡王府除另封

理府事者量留民校十名照例徵銀僱役外其餘民校

民厨盡數發還原係徵銀者免派若革除 親王

墳所給守墳軍校五名

凡生母改封 嘉靖甲子夏六月改封 蜀王 注母林

氏為繼妃先是 蜀王宣 斤乞 恩比例將生母林氏

改封下禮部議奏云人子之心雖無窮嫡庶之分則有

別 蜀王宣 斤生母林氏先蒙 聖恩准封為次妃已

榮矣今復援例 特恩奏乞改封繼妃揆之典禮似為

踰越但其情辭懇切出一念人子顯親之心况有杜氏

事例似應俯從 世宗曰林氏既係 蜀王生母准杜

氏例遂改封云杜氏 蜀康王繼妃也



凡長孫品級 正統年間令 親王有 長孫者授以  
世孫給一品官服 郡王有 長孫者授以 長孫  
給二品官服

凡罪送高墻 國制宗人有罪者錮高墻高墻在中都  
今鳳陽府 凡先後入高墻者男女且千人 嘉靖四年

釋二百九十人十二年釋十三人十三年又釋二十八  
人十八年又釋四十五人 還原郎給薪米自便

封建存疑

建文少于各文奎建文三年生二歲建文君遜位靖  
難後號為建庶人者是也幽中都廣安宮 英宗北狩  
嘗憫建文君之沒無所加禮屢召變故以語袁彬及復

時二年憐庶人久繫禁欲出之又以語學士李賢李賢

對曰陛下下一念 天地鬼神實臨之 太祖在天之

靈實臨之堯舜存心不過如此請于 太后令出居于

鳳陽歲給薪米聽婚娶出入自便又與閹者二十人婢

妾十餘人給使令遣菴牛玉入禁 諭庶人庶人伏地

頓首謝且喜且悲有阻議者 英宗曰有天命者任自

為之遂降 勅曰朕恭膺 天命復承 祖宗大統夙

夜憂勤欲使天下羣生咸得其所而况 宗室至親者

哉爰念建庶人等自幼為前人所累拘幽至今已五十

餘年憫此遺孤特從寬貸用是厚加 賜賚遣人送至

鳳陽居住月給廩以安生仍聽婚姻以續其後庶副朕



眷念親親之意故 勅庶人至是年已五十六七出不  
識牛馬未幾庶人卒建文嗣絕再閱傳信錄稱 成祖  
入宮時建文君有幼子老媪教之牽 成祖亦哭跪前  
求食曰孩兒餓矣饑殺孩兒矣 成祖亦哭曰汝生帝  
王家寧有餓死理 命善撫之不知此建文君第幾子  
抑亦卽少子也或曰牽衣哭者 成祖育諸 宮中鄭  
端簡公遜國記云建文辛巳冬十一月 皇太子文奎  
生卽此庶人也革除遺事又云文奎建文君長子洪武  
二十九年十月甲寅生建文初立爲 皇太子壬午六  
月闔宮赴火時年已七歲存沒莫考文奎弟文某廢爲  
建庶人又與端簡所聞異矣備述以俟考云

親王就學

國初 親王出就學 命內閣提督檢討等官講讀爲  
擬定經書起止每日以所習學進看 天順二年始定  
禮儀凡 諸王初入書堂其日早 王至右順門之北  
書堂面東中坐提督并講讀官行四拜禮畢內官捧書  
展于案上就案左立講讀官立于案右伴讀十遍叩頭  
退自後每日清晨 王至書堂講讀官行叩頭禮伴讀  
十遍出飯後復詣書堂伴讀看寫字畢講書直說大意  
畢行叩頭禮退內侍以所寫字送內閣

違例請封

今上萬曆十九年正月十一日禮科都給事中胡汝寧復



奏 潘王瑄堯原奏比例陳情懇燭例前進封准 賜  
郡爵事又 懷仁王府管理府事奉國將軍充恡奏懇  
比例補 賜名封事俱奉 聖旨下禮部臣等看詳間  
在 潘王瑄堯謂伊祖 靈川王繼伊叔祖 懷王之  
後進封爲 親王後伊父 潘宣王恬交及瑄堯俱承  
襲 親王而親弟理堯理延亦得封爲郡王陳乞之意  
如此但查得 宗藩要例凡郡王進封 親王者日後  
子孫除承襲 親王外其餘俱依原封世次授以本等  
爵級不准加封明例昭然本 王安得妄意陳情以撓  
成法乎卽云例前加封者姑准照常傳襲當時恐已封  
者一一查革未免滋擾故爲姑准之說耳非謂例前未

封者今復得封之也故又云例後加封者查照世次  
正卽 秦府雖冒封亦當改正之例豈可援以爲例哉  
矧 郡王得進爲 親王而所支祿米仍支 郡王之  
數蓋明其實非 親王又安得冒昧陳請而以郡爵予  
其諸子耶在 懷仁王府奉國將軍充恡謂 伊府鎮  
國中尉俊莊先娶安氏爲妾被積校騙財物許冒部帖  
以致失誤請婚蓋欲明其非擅婚也非擅婚則當補毋  
之封則當給子之名爲他日受封之地陳乞之意如此  
但查得 宗藩要例凡請封請名過期至十五年以上  
者立案今俊莊既係隆慶二年選娶安氏至今二十餘  
年矣豈得復來展辯補封乎據稱原與俊析等一同駁



查明當必同時補封何馬氏母子俱已補封而獨莊與安氏立案此其中必有說也且選婚請封先從長史教授查勘申呈巡按衙門核實具奏本府並未聲說巡按具奏之由止云積校誣詐此尤不可曉者大抵法之不行親貴壞之要例森嚴皆斷自宸衷與各宗共守者乃二府巧為轉辯圖遂已私恐一人作俑眾皆效尤天下宗室行且紛紛多事而朝廷之上奏擾無虛日矣臣乞勅下該部嚴行禁諭將二府所奏立案不許再瀆庶法守一而要例非徒為虛文人心肅而各相安于分義也奉旨禮部一併看了來說四月禮部奏抑情伸法以杜宗藩冒濫事又奏乞正

王封事奉旨這冊封數內如何不開藩府朝廷親親之情既已許定豈可中止連婚期都誤了着再開來只與封王名色仍支將軍祿米情法兩全再不必執奏欽此臣竊惟情偶發于一時法常昭于萬世情無窮而法有限兩者每相權焉不可過也我世宗肅皇帝宗藩條例郡王繼襲親王其餘止封本等爵給蓋已權情法之中矣藩藩理以郡王繼襲親王者理封于例前猶未抑法以伸情理封于例後尚當抑情以伸法若理又希郡王之封則情窮于不可濫法比于不可加矣臣仰窺聖意非不知此但為朝廷親親之情不忍違藩王之請耳凡在



天潢之派孰非 朝廷之親 九廟之親若盡則遷子孫之待 祖宗且不可過况子孫乎且親親有等則諸宗各守其分而帖然無逾涯之心其為親也公而普親親無等則 諸宗不勝其求而翹然有缺望之志其為親也私而僻 皇上謂已成之命不可中止顧獨不念 祖宗已定之例不可輕變乎自今以後 諸宗有請遞抑之則已開其端欲槩與之則又嫌於濫得之者固為非分之榮失之者終抱不均之嘆臣恐 皇上所以紹休 祖考敦睦九族者詎不如是也 皇上又云今後再有援例的該部科索來夫與其防 各宗違例於將來孰若禁 本藩違例於今日不慎之發源而欲

遏之於末流臣知勢必不得已也大抵 祖宗之法輕

變易經守難 君父之旨阿徇易執奏難 皇上為

祖宗守法臣等為 皇上執法期于上下相成而已昔

陶唐議法帝堯曰宥之三臯陶曰執之三然帝堯終不

以宥之之仁奪陶執之之法故萬世稱明良之遇者必

曰有唐臣誠不敢自比臯陶而所仰望於 皇上誠不

敢少後于帝堯也故輒復冒昧執奏如此伏乞 皇上

仰遵 祖制俯鑒臣愚亟止 王封仍將軍爵級俾得

及時選配不誤婚期 成憲不移孰啓凌夷之漸分守

素定誰開矯假之門庶幾情法兩全奉 旨這事情已

屢有 旨了該部如何又來執奏即便遵行 三月初



十日禮部尚書范謙等奏秦王誼患乞恩改正封爵隨經禮科都給事中薛三才等題參諸藩越例請封懇乞申飭臣等隨據例題覆奉旨秦王為誼患請封郡爵朕念首藩准與封不給祿仍不為例餘依擬欽此仰見我皇上篤愛首藩與之以王封至仁也而猶靳之以祿限之以例大義也第恐封頒而冒濫易起例淆而法守難遵夫宗藩條例一書皇祖頒布中外令各藩共守之無親疎無遠近不得而假借焉故進封親王一欸日後子孫除承襲外其餘俱依原封世次授以本等爵級不准加封明例昭然乃誼患之所請則何如也先是懷卷以定王再從姪

鎮尉而承定王之統誼患以靖王嫡第三子由郡爵而襲親王之封今又欲併其庶兄而加封郡王蓋典制之所不載而于例大有相違背者我皇上既是科臣之議而前後明旨一則曰不為例一則曰以後不許援例瀆請蓋明知例之不可特以篤念首藩姑為此寬假云耳夫皇上念首藩而為誼患申請誼患獨不自念首藩而為皇上守法乎語云行法自貴近始故秦府而守法則諸藩兢兢恪守必曰朝廷有不可撓之法即首藩不得以妄徼而吾何可以私覬秦府而不守法則諸藩競相慕效必將曰均一天潢之派也秦府可以倖徼而恩



何靳于一府從此隨乞而隨與則 恩日濫觴何以明  
典制倘有與有不與則法非盡一何以示遵守臣等  
反覆思之無一而可也且 皇上豈以 秦府之微恩  
者猶未足耶夫誼患原封奉國中尉後加封鎮國將軍  
此其爵踰五級所徵 特恩亦是不薄謹按條例例前  
加封者姑准照常傳襲例後加封者查照世次改正煌  
煌 祖制明炳日星及查誼患以十四年加封鎮國將  
軍尚在改正之列今應改正者不行改正而不應加封  
者乃欲加封抑何其率合附會圖遂已私之若此也先  
年 秦藩乞封 明旨嘗云 特恩不爲例矣未幾而  
潘藩輒援例以請當日 潘藩之請封 明旨又云

有援例的該部科參來矣今未幾而 秦藩又比例瀆  
奏後之視今又安知不猶今之視昔也此其漸寧可長  
乎伏乞 皇上收回 成命仍嚴 諭本藩恪守成規  
毋復瀆擾妄希封爵則典禮明而 朝廷無凌夷之漸  
分守定而 宗藩絕矯假之門 宗社幸甚天下幸甚  
奉 旨朕知道了着遵 前旨行

續文獻通考卷之一百九十六終

續文獻通考卷之一百九十六

二十五

一百四十一共



今有安而... 宗封幸其天... 世野... 平... 奏... 有...

續文獻通考卷之一百九十七

皇明進士雲間王圻纂輯

封建考 皇明異姓封建 封建事例

皇明封建異姓

國朝初起淮甸旋定江東收拓疆宇統一華夏滅漢之功... 又次滇南當是時功臣封者食租衣稅雖不得分土臨... 世宥之恩寬於漢魏矣革除之後輝祖以守義釋囚... 安陸之流乍承收復終歸氓隸故其存者魏西平武定



三家耳。成祖靖難以九門壩上白溝滄州藁城夾河  
靈壁七戰論功已而北驅殘虜南縛交酋西靖羗番東  
捕倭韓舊恩新績降胡斷養徃徃登封。洪熙宣德文  
教漸張九伯皆特轅欵塞合騎從征咸稱不僭。正統  
景泰天順間醜戎猾夏奸黨貪天已巳丁丑剖符益衆  
未幾誅奪存亦無幾。成化時國家治平屯細柳出居  
胥雖師律尚嚴而檢覆多濫以故傳世者鮮。弘治御  
極慎名與器封者無聞焉。正德間典章頗濫。世宗  
洗滌乾坤光復。祖憲。登極之詔首錄擒反已而秉  
鬯。宗禋顧瞻烝侑悼念元勳興滅繼絕五姓續封於  
斯善述若乃外戚恩澤封者洪武永樂未之前聞增壽

雖。文后介弟顧靖難密謀殞命廷闕。長陵悼念子  
封定國至。獻陵卽位景始以。昭后恩封。裕陵又  
封景弟昇自是進紀衰申更相援引。世宗若曰。后  
家封爵。皇祖未有典制魏定封公雖緣戚里實開國  
靖難佐命功臣彭城惠安軍功居半可世如故他皆宜  
革徒以。先朝恩命錄之且終其身自是慶陽太和皆  
罷封稍稍陳乞或得都督都指揮指揮云。今攷。累  
朝封者公十八人侯八十三人伯八十八人王一人外  
戚公一人侯五人伯十一人凡二百七人乃今世及者  
纔四十四人其以文臣封者公一人伯八人不得嗣者  
乃七人



高皇帝初下建業草創未遑吳元年始拜功臣李善長徐  
達常遇春爲國公而其他功臣之死勤事封疆者有國  
郡公侯伯子男之贈然往往一循元舊 洪武三年始  
大啟封建 皇帝之子爲親王 親王之從庶子爲郡  
王而功臣則公侯伯三等有世襲有流爵罷子男不置  
公侯位正一品上伯位正二品上朝服進賢冠加籠巾  
貂蟬世襲者領鉄券流爵則否當是時封伯者僅二人  
忠勤之祿僅當侯三六一誠意至不能當六之一十年  
以後  
永樂初而始定居  
重矣凡  
侯之下正一品之上其階  
公侯伯之任入則掌參五府總六軍出則領將軍印爲

大帥督留都筦鑰轄漕綱運獨不得預九卿事大抵視  
漢以下獨隆崇云

國初封公者六人而魏國功最大祿秩亦最重中山侯宿  
將也以一言之悖而不獲公德慶侯鉅勲也以一事之  
疵而不獲公永城封而貶東勝封而奪訓詞蓋真乎斧  
鉞焉然至吉安江夏臨川東平之類抑何其殲夷狼籍  
也三年而後續侯者獨西番之役最盛平雲南次之其  
他以舊封伯錫爵然至藍氏之誅累而幾若掃矣夫以  
馮宋公傳穎公之雄而卒不免死謂其不蔽法也而諱  
之卽諱之猶不爲置後至 嘉靖百餘年間初所封六  
公僅一公在二十八侯進爲公者亦絕而餘二十六侯



二里土乘駟之奉後封四公二十一侯二伯亦僅西平  
武定在耳是時 天子下 明詔追攷故實收錄故鄂  
國公遇春曹國公文忠衛國公愈信國公和後俱爲徹  
侯誠意伯基後仍爲伯增其秩天下翕然歸厚焉

文皇帝於建文四年七月下京師即大位因其年爲洪武  
三十五年又二月 制詔吏兵部差次從靖難功臣遂  
封淇國等二公城陽等十三侯興安等十一伯已又錄  
降附功增曹公歲祿封永春一侯忠誠等三伯明年封  
駙馬都尉袁容等二侯遂追舊功封豐城一侯寧陽等  
五伯三年復追舊功進封新城侯至是靖難封始究六  
年論平安南功進封新城西平二侯皆爲公增豐城侯

雲陽伯祿各五百石已進封清遠一侯安遠建平二伯  
終 文皇之世凡再大封至 睿皇帝之元年論奪門  
迎 駕功進封武清侯爲忠國公封太平一侯興濟文  
安等四伯已又封武功一伯自是終諸 帝世僅一大  
封而其他破軍殺將戡亂僞工之特封者不與焉嗚呼  
靖難諸將臣從 藩邸起一旅之師彈丸之地出萬死  
者二載而遂定 宗社於泰山之固此其績誠巨然  
英主實在軍攻堅履危斷自神授又大戰不過廿餘所  
定軍府不過三四而已毋論中山開平其視曹衛宋穎  
而下抑何徑庭也定興之掃安南固自偉亦何能超穎  
川之下滇蜀且久復失之今 高帝之盟白馬指黃河



而誓其功臣鮮有存者易世而後所當僅如錢之虜與  
萑苻之盜首級數十以至百積封自伯而至侯遂有公  
者今胡以貂綿蟬聯也以此况彼誠不可同年而語自  
孝宗而後執政者始知愛守名爵不輕昇而不能無  
畏于首尾未暇一一釐正之然至新建之取叛王不煩  
天子璽書不費太倉水衡金錢縛之於股掌 世宗  
猶或靳之寧遠之摧東虜積級至萬餘其所選敵固皆  
瑕然其積豈與他徹侯等而縉紳大夫猶斷斷有後言  
者何也少所見多所恠恒也

已上出  
弁州集

恩澤

高皇帝無外家三尺之胤以故

王爵朝見佳辰

徐而朱邸自功臣外無兩者他若李隴西繇尚王而擢  
爵然亦岐陽大勳所推本而成沐椒房之光寵其况橫  
實不過叅省而又奪之獨于晚年梁公之券施于寵妃  
之從子顯出相貴邸入陪 禁御至建文而削奪識者  
以爲非不幸云

文皇入纂之頃 中宮猶在邸而仲氏已前開國夫固憫其  
禍收其恟而執經者猶疑之然以中山之勳塞天地家  
有兩公胙及百代不爲幸也 嘉靖二年 帝念翊戴  
功封楊廷和蔣冕毛紀爲伯 誥券世襲及 壽安太  
后弟邵嘉 興國太后弟蔣翰各封伯尋以給事中張  
九叙御史江淵主事霍韜上疏言恩澤太濫各聽辭免



止廕一子惟外伯封爵如故

昭皇后母儀奕世幾于文妣以故張氏得封二伯其後漸因之至有自侯而進公者自保傅而進太師者然會昌主兵符而不能易 人主之喜怒壽寧建昌能易 人主之喜怒而不能與外廷之進止其極不過富貴其樂不過宮室狗馬聲色其威怒不過行閭閻雖匹而已世廟憤壽寧建昌之積侈執而繫僂之一時肅然而又申明考功令下所司悉裁諸外戚之世封者獨定公以中山故彭城惠安以 昭皇后故且半援中世封者他則擁護止乎孝烈而家一襲晉接窮乎榮恭而不于世天下服其公快其斷而不敢以少恩病之斯所以為

肅也若夫中貴人之擅柄殆有甚矣幸而未鑿其窳不敢身冒封爵而正德之亂其昆從以迨廝養皆得濫竽焉嘉靖之封方士之無賴者居一矣皆未幾而奪削繼之著為令甲萬世曉然知其非當可無慮也

洪武年封封邑爵

祿

進封

續封

徐達

開國信國公

伍千石魏

世

李善長開國宣國公

肆千石韓

除

常遇春開國鄂國公

復懷遠侯

嘉靖十一年吏部尚書王瓊言常遇春李文忠鄧愈湯和 特命襲封僅與侯爵蓋常李流徙禁錮湯鄧寢襲百年一旦爵以上公恐難負荷擬封常玄振為懷遠侯李



性臨淮侯鄧繼坤定遠侯湯紹宗靈璧侯勳階 誥券  
食祿如初封

李文忠開國曹國公 叁千石 除復臨淮侯

馮勝 開國宋國公 叁千石 除

鄧愈 開國衛國公 叁千石 除復定遠侯

常茂 父遇春 鄭國公 除

湯和 開國中山侯 千伍百石信國公除復靈璧侯

唐勝宗開國延安侯 千伍百石 除

陸仲亨開國吉安侯 千伍百石 除

周德興開國江夏侯 千伍百石 除

華雲龍開國淮安侯 千伍百石 除

顧時 開國濟寧侯 千伍百石 除

耿炳文開國長興侯 千伍百石 除

陳德 開國臨江侯 千伍百石 除

郭子興開國鞏昌侯 千伍百石 除

王志 開國六安侯 千伍百石 除

鄭遇春開國滎陽侯 百石 除

費聚 開國平涼侯 伍百石 除

吳良 開國江都侯 伍百石 除

吳禎 開國靖江侯 千伍百石 除

趙庸 開國南陽侯 千伍百石 除

廖永忠開國德安侯 千伍百石 除



俞通源開國南安

千伍百石

除

華高 開國廣德侯

陸百石

無子除

楊璟 開國營陽侯

千伍百石

除

康鐸 父茂 開國永嘉侯

千伍百石

除

朱亮祖開國永嘉侯

千伍百石

除

傅友德開國潁川侯

千伍百石

潁國公除

胡美 開國豫章侯

千伍百石

臨川侯除

韓政 開國東平侯

千伍百石

除

黃彬 開國宜春侯

玖百石

除

曹良臣開國宣寧侯

玖百石

除

梅思祖開國汝南侯

玖百石

除

陸聚 開國河南侯

玖百石

除

汪廣洋開國忠勤伯

參千陸百石

除

鄧基 開國誠意伯

貳百伍十石

除續封

薛顯 開國永誠侯

千伍百石

除

冰英 征西西平侯

貳千伍百石

世

仇成 征西安慶侯

貳千伍百石

涼國公除

藍玉 征西永昌侯

貳千伍百石

除

謝成 征西永平侯

貳千石

除

張龍 征西鳳翔侯

貳千伍百石

除

吳復 征西安陸侯

貳千伍百石

除

金朝興征西宣德侯

貳千伍百石

除



曹興 征西懷遠侯 貳千石 除

葉昇 征西靖寧侯 貳千石 除

曹震 征西景川侯 貳千石 除

張溫 征西會寧侯 貳千石 除

周武 征西雄武侯 貳千伍百石 除

王弼 征西定遠侯 貳千伍百石 除

陳桓 平雲南普定侯 貳千伍百石 除

胡海 平雲南東川侯 貳千伍百石 除

郭英 平雲南武定侯 貳千伍百石 翊國公流世侯

張翼 平雲南鶴慶侯 貳千伍百石 除

李新 作孝陵崇山侯 千伍百石 除

汪興祖 開國東勝侯 千伍百石 除

張赫 海運航海侯 貳千石 除

朱壽 海運舳舻侯 貳千石 除

孫恪 征胡全寧侯 貳千石 除

濮璵 父英西涼侯 貳千伍百石 除

桑敬 父世榮 徽先伯 千柒百石 除

俞通淵 征南越巂侯 貳千伍百石 除

張銓 征蠻永寧侯 千伍百石 除

胡顯 征蠻梁國公 除

何真 歸降東莞伯 千伍百石 除

陳理 降王歸德侯 徙高麗



續文獻通考卷之二百九十七

陳普才 友諒 承恩侯

除

陳友富 友諒 歸仁伯

除

陳友直 友諒 懷恩伯

除

明昇 降王歸義侯

徙高麗

買的里八剌 元三子 崇禮侯

歸北

納哈出 降胡海西侯

除

察罕 納哈出子 審海侯

永樂中除

常昇 父遇春 開國公

永樂中除

建文年封 盛庸 戰勝歷城侯

永樂中除

李堅 戰勝灤城侯

永樂中除

永樂年封

丘福 靖難淇國公 貳千伍百石

除

朱能 靖難成國公 參千伍百石

世

張武 靖難成陽侯 千伍百石

無子除

陳珪 靖難太寧侯 千二百石

世

鄭亨 靖難武安侯 千伍百石

世

孟善 靖難保定侯 千貳百石

除

火真 靖難同安侯 千伍百石

除

顧成 靖難鎮遠侯 千伍百石

世

王忠 靖難靖安侯 千石

除

徐忠 靖難永康侯 千壹百石

世

續文獻通考卷之二百九十七

二百六十六京



|    |       |      |                         |
|----|-------|------|-------------------------|
| 譚忠 | 父淵新寧伯 | 千石   | 世                       |
| 唐雲 | 靖難新昌伯 | 千石   | 世指揮使                    |
| 張輔 | 靖難信安伯 | 參千石  | <small>新城侯英國公</small> 世 |
| 李濬 | 靖難襄城伯 | 千石   | 流侯世伯                    |
| 徐理 | 靖難武康伯 | 千石   | 無子除                     |
| 徐祥 | 靖難興安伯 | 千石   | 世                       |
| 王寧 | 推戴永春伯 | 千石   | 涂                       |
| 房寬 | 靖難思恩侯 | 捌百石  | 世指揮使                    |
| 郭亮 | 靖難成安侯 | 千貳百石 | 世                       |
| 李遠 | 靖難安平侯 | 千石   | 涂                       |
| 張信 | 靖難隆平侯 | 千石   | 世                       |

|    |       |      |      |
|----|-------|------|------|
| 孫岩 | 靖難應城伯 | 千石   | 世    |
| 房勝 | 靖難富昌伯 | 千石   | 世指揮使 |
| 陳旭 | 靖難雲陽伯 | 千石   | 無子除  |
| 劉才 | 靖難廣恩伯 | 玖百石  | 世指揮使 |
| 茹瑞 | 推戴忠誠伯 | 千石   | 流    |
| 王佐 | 推戴順昌伯 | 千石   |      |
| 陳瑄 | 推戴平江伯 | 千石   | 流侯世伯 |
| 袁容 | 靖難廣平侯 | 千伍百石 | 世指揮  |
| 李讓 | 靖難富陽侯 | 千石   | 世指揮  |
| 李彬 | 靖難豐城侯 | 千石   | 世    |
| 陳懋 | 靖難寧陽伯 | 千石   | 侯世   |

續文獻通考 卷之三百九十七 十一 二百七十京



王通 父真武義伯 千貳百石成山侯世伯

王友 靖難清遠伯 千伍百石 除

陳賢 靖難榮昌伯 千石 除

張與 靖難安鄉伯 千石 世

陳志 靖難遂安伯 千石 世

徐景昌 父增壽 定國公 貳千伍百石 世

王聰 靖難武城侯 千伍百石 無子除

趙彞 靖難忻城伯 千石 世

宋晟 征西西寧侯 千壹百石 世

沐晟 侯征交趾封黔國公 叁千石 世

柳升 征交趾安遠伯 千伍百石 侯世

郭義 戰勝安陽侯 千壹百石 世指揮使

何福 征胡寧遠侯 千石 除

薛祿 征胡陽武侯 千壹百石 世

劉榮 捕倭廣寧伯 千貳百石侯 世伯

朱榮 征胡武進伯 千貳百石 世

高士文 戰歿建平伯 千叁百石 世

金玉 征胡惠安伯 捌百石 世指揮使

薛斌 征胡永順伯 玖百石 世指揮使

薛貴 征胡安順伯 玖百石 世

吳允誠 征胡恭順伯 千貳百石侯 世

金忠 降胡忠勇王 千石



洪熙年封

梁銘 靖難保定伯 千石 世

蔣廷珪 保昌伯 世

吳成 征胡清平伯 千壹百石 世

吳管者 征胡廣義伯 千石 世

李賢 征胡忠勤伯 千壹百石

宣德年封

費瓛 征胡崇信伯 千壹百石 世

李玉 征胡新遠伯 捌百石 除

勝定 征胡奉化伯 捌百石 世指揮

李英 征胡會寧伯 捌百石 世指揮使

金順 征胡順義伯 捌百石 世指揮使

正統年封

蔣貴 征胡定西伯 千伍百石 侯 世

趙安 征胡會川伯 千石 世指揮

任禮 征胡寧遠伯 千貳百石 失律除

沈清 營建修武伯 千壹百石 世指揮使

譚廣 征胡永寧伯 千石 世指揮使

陳懷 征胡平鄉伯 千壹百石 世指揮使

馬亮 征胡招遠伯 千壹百石 世指揮使

王驥 征蠻靖遠伯 千叁百石 世

蔣信 征胡忠勇伯 千石 除



景泰年封

楊洪 禦胡昌平伯 千石 侯 世指揮使

石亨 禦胡武清伯 叁千石 侯 忠國公 除

石彪 禦胡定遠伯 千石 侯 除

郭登 禦胡定襄伯 千壹百石 無子 世指揮使

朱謙 禦胡撫寧伯 千貳百石 侯 世侯

方瑛 征蠻南和伯 千石 流侯 世伯

毛勝 征蠻南寧伯 千石 世

天順年封

徐有貞 奪門武功伯 千壹百石 除

楊善 奪門興濟伯 千貳百石 世指揮

張輓 奪門文安伯 千貳百石 世指揮

張軌 奪門太平侯 貳千石 世指揮

孫鏜 奪門懷寧伯 千叁百石 侯 世

衛穎 奪門兼軍功宣城伯 千一百石 世

曹欽 奪門昭武伯 千貳百石 除

楊信 禦胡彰武伯 千石 世

楊能 禦胡武強伯 千石 世指揮使

陳友 征蠻武平伯 千石 流侯 世伯

曹義 禦胡豐潤伯 千貳百石 世

施聚 禦胡懷柔伯 千壹百石 世

焦禮 禦胡東寧伯 千貳百石 世



董興 禦胡海寧伯  
李文 禦胡高陽伯

成化年封

劉聚 禦胡寧晉伯 千石

毛忠 征番伏羌伯 千石

趙輔 征蠻武靖伯 千貳百石

趙勝 營建昌寧伯 千石 世指揮使

王越 征胡威寧伯 千陸百石

和勇 征蠻靖安伯 千壹百石 世指揮使

和勇 征蠻靖安伯 千壹百石 世指揮使

和勇 征蠻靖安伯 千壹百石 世指揮使

正德年封

仇鉞 捕及咸寧伯 千一百石 侯 罪除

神英 禦胡涇陽伯 八百石 除

張富 太監 秦安伯 千石 除

張容 太監 安定伯 千石 除

武德 義兒永壽伯 千石 除

谷大寬 太監 高平伯 千石 除

馬山 太監 平涼伯 千石 除

陸永 太監 鎮平伯 千石 除

魏英 太監 鎮安伯 千石 除

谷大亮 太監 永清伯 千石 除



義兒平虜伯 千石

罪除

許太 義兒永定伯

除

嘉靖年封

王守仁補反新建伯 千石

嘉靖八年春王守仁平思田捷疏盛稱諸盜流劫之禍  
陷陣俘馘之多請加勞賞 上曰守仁放言自肆詆毀  
元儒號召門徒虛聲附和用詐任情壞人心術近年士  
邪說皆其倡道宸濠之反移檄舉兵仗義討賊元惡  
就功固可錄但師出無節奏捷誇張近日揜襲寨夷  
恩威倒置伯爵僅與終身後有踵襲邪說果于非聖者  
治之 隆慶元年復准世襲

陶仲文方士恭誠伯 千二百石

隆慶初罪除

萬曆年封

李成梁禦虜寧遠伯 千石

小戚封爵祿秩

名 封邑爵 祿

進封 續封

昭后 張昶 彭城伯 千伍百石 世

張昇 惠安伯 千壹百石 世

孝恭 孫忠 會昌伯 千貳百石 除

吳太 吳安 安平伯 千石 除

孝莊 錢承宗 安昌伯 千石 除

太后 周壽 慶雲伯 千石 侯 除

續文獻通考

卷之二百九

一

二百七十京



周或 長寧伯 千石 除

孝貞 純后 王源 瑞安伯 千石 侯 除

王清 崇善伯 千石 除

王濬 安仁伯 千石 除

字惠 邵喜 昌化伯 千石 除

張翥 壽寧伯 千伍百石 侯昌國公 除

延齡 建昌伯 千陸百石 侯 二十五年棄市 除

王田伯 千石 除

慶陽伯 千石 除

泰和伯 千石 除

安平伯 千石 侯

永康 公主 駙馬崔元 京山侯 千伍百石 除

仁聖 皇后 陳景行 固安伯 除

孝懿 皇后 李銘 德平伯 千石

慈聖 太后 李偉 武清伯 二十一年以 聖躬痊好加祿

銘之初封 穆宗未知 慈聖非銘出故加恩無異生

存後 慈聖自言狀始推恩于親父李偉

今上 皇后 王偉 永年伯

嘉靖十五年泰和伯陳萬言嫡孫書乞襲吏部張邦奇言

外戚封無世者 上命為指揮

隆慶元年吏部覆王事郭諫臣奏一 本朝重典非軍功

不得世襲 皇親玉田伯蔣榮安平伯方承裕宜止終



本身照泰和伯陳萬言例仍著爲令本身後不許再襲  
萬曆年閣臣張居正疏今日該文書官丘得用口傳 聖  
旨 皇親都督同知王偉着進封伯爵擬 旨來行欽  
此并將 正德二年封慶陽伯夏儒 嘉靖二年封泰  
和伯陳萬言及各子男輩授官事例傳示臣等恭照  
聖祖定制公侯伯爵非有軍功不得濫封國初如魏定  
兩公自以佐 命元勳聯姻 帝室彭城惠安雖託籍  
戚里 然亦半有軍功昨土剖符皆無容議宣德中季始  
有 帝之封弘治以來遂爲故事然實非 高皇帝

明八年 世宗皇帝曾 詔廷臣會議外戚  
該府部等衙門議稱 祖宗之制非軍功不

封夫爵賞者天下之爵賞人主所持以勵世之具也今  
使椒房之屬與有大勳勞之人並享茅土非所以昭有  
功勸有德也今除已封見任者姑准終身外此後凡  
皇親駙馬與要查照 祖宗舊制不許夤緣請封其有  
出自 特恩一時賞賚者亦止照 祖宗朝故事量授  
指揮千百戶等官以榮終身敢有違例奏請希圖恩澤  
妄引洪熙以後事例比乞者聽本部及科道官即時舉  
劾寘之刑典以爲貪冒不知止足者之戒等因奉 聖  
旨卿等年會議停當外戚對爵古未有我 皇祖亦未  
有制典魏定二國公雖爲戚里實開國佐 命靖難元  
勳難同其功彭城惠安二伯亦有軍功居半都着照舊



襲封其餘以爲戚里濫膺重爵名器旣輕人不知勸見任的都當查革但其中有干先朝恩命及已封者姑與終身子孫不許承襲欽此我世祖超世之見同符二祖非近代帝王所能彷彿其萬一者嗣後雖曾垂澤安平許傳再世則以孝烈皇后有翦逆保駕之功特旨酬賞非援例進封者也臣等竊以爲我皇上當英妙之齡事事皆祇適先猷憲章烈祖則太祖定制與世祖聖諭正宜仰稽而效法者但旣有正德以後事例王偉係中宮至親臣等不敢抗違謹擬傳帖上請聖裁發下吏部施行其皇親子男輩姑且從容俟後再有大喜慶事然後加恩未

晚也臣等謹查嘉靖八年

世宗皇帝聖旨及廷

會議二本進呈

御覽用見

先朝恩封外戚始末伏

惟聖明垂覽

時閣臣張居正議外戚子弟恩廕疏昨該文書房官丘得用口傳聖旨欲將皇親永年伯王偉弟男加恩授職臣等謹欽遵擬傳帖將王偉弟王俊男王棟各與做錦衣衛正千戶帶俸項又該丘得用傳示聖意說正德間皇親夏助等授錦衣衛指揮使等官世襲今何止授千戶又無世襲字樣以臣等所擬爲薄臣等不勝惶悚仰惟皇上篤眷中宮加恩外戚此乃情禮之至當臣等敢不仰承但查正德二年雖有此



例至 世宗皇帝登極之後悉已釐革凡 皇親授官  
 無論大小皆不得世襲故泰和伯陳萬言係 元配孝  
 縈皇后之父伊男陳紹祖原係監生出身亦止授尚寶  
 司丞文官未嘗世襲也又查得隆慶年間今 仁聖懿  
 安皇太后之父固安伯陳景行伊男陳昌言初亦止授  
 錦衣衛千戶至 皇上登極因恭上 兩宮尊號方  
 降勅將陳景行長男陳昌言陞錦衣衛指揮僉事次男  
 陳嘉言授錦衣衛副千戶 慈聖宣文皇太后父李偉  
 封武清伯長男李文全授錦衣衛指揮僉事次李文  
 授錦衣衛副千戶 祖宗舊制決不敢違越也臣等又  
 惟 皇上與 中宮 聖壽萬年將來 皇儲光慶繩

繩振振推 恩戚里固未可量似亦不在此一時也伏  
 望 聖明俯鑒臣等愚誠 特賜俞允不勝幸甚 萬  
 曆九年二月十一日奉 旨皇親永年伯王偉男王棟  
 與做錦衣衛指揮僉事弟王俊錦衣衛正千戶俱帶俸

皇陶 伊尹 大公聖




與州臨亦漸許戰食事後主對臨亦漸五千尺其帶奉  
曆火平二月十一日奉 旨皇親承平前王郭長王刺  
望 望四前鑿百學愚婦 其顯命武不類幸甚 萬  
縣縣縣縣 恩恩恩恩未可量恩亦不其此一却也

續文獻通考卷之一百九十八

皇明進士雲間王圻纂輯

道統考 總圖 傳經圖說 總論 肇統列聖

道統總圖





魯子

程子

武王 周公 孔子 子思 孟子 周子

顏子

程子

呂原明 呂好問 呂祖謙 徐僑

胡憲 魏掞之

譙定

劉勉之

邵子 謝顯道 朱子 張敬夫

程子 楊中立 胡仁仲 李愿中 朱子

羅仲素

張子

陸子 楊簡



續文獻通考

趙復 許衡

輔廣 魏了翁

杜曄 杜範 車若水 黃超然

朱子 黃幹 何基 王柏 金履祥 許謙

蔡元定 蔡沉 蔡抗

真德秀

傳經圖說

周易孔子 商瞿 馯臂 矯疵 周堅 孫虞 田何

續文獻通考 卷之二百九十八



姚平

殷嘉

乘弘

焦延壽

京房

程牧

白光

趙賓

戴崇

孟喜

張禹

彭宣

魯伯

毛莫如

孟但

卽黑成

丁寬

田王孫

施讎

張禹

田何

王同

楊何

服生

周霸

衡胡

五鹿充宗

王駿

鄧彭祖

易更三聖謂伏羲文王孔子世歷三古謂伏羲為上古文

王為中古孔子為下古而商瞿者孔門七十弟子列也

授經為真其傳自魯燕東武以至於齊田何何故齊王

族也漢初例徙關中于是易入中朝自何以上源出於

一自何以下流分為四而施孟梁京之學立矣房或云

楊何弟子或云受易焦延壽或云房門人為梁丘賀然

房之學大抵從焦焦嘗從孟喜孟氏四家之外又有高

費二家之學高相授母將永費直授王璜皆無師傳專

言突異相自言出于丁寬石渠之議梁丘得立博士光

武初始立四家博士戴賓劉昆為施氏注丹安任離陽

鴻為孟氏范升楊政張興為梁丘氏戴憑隗滿孫期為



京氏劉向以中古文易經校施孟梁丘經或脫去無咎  
 悔亡惟費氏經與古文同其後又有馬融荀爽鄭玄劉  
 表虞翻陸續王弼之屬漢志易有十三家唐七十六家  
 宋一百四十家皆周易也連山易已亡周劉炫作偽易  
 十卷歸藏易十三篇隋時始出僅存三篇皆無師傳  
 皇明惟朱子本義列于學官而 成祖命儒臣纂脩易  
 經大全行于世

王為

夏更三聖

歐陽和伯 倪寬 歐陽生 某 歐陽高

尚書伏生

張生 夏侯都尉 夏侯昌 夏侯勝



續之屬

歐陽高

歐陽地餘

歐陽政

歐陽欽

禮震

曹曾  
曹祉

陳弁  
丁鴻

林尊  
平常

鮑宣

朱晉

陳翁生

殷崇

龔勝

假蒼

秦恭  
馮賓

夏侯建  
張山拊

鄭寬中  
趙玄

李尋

張無故  
唐尊

快欽

夏侯勝

周堪

許商

唐林

吳章

牟卿

王吉

孔霸  
孔光

續之屬

三〇六十四京



書纂自孔子上斷于堯下訖于秦秦燔書禁學濟南伏生  
獨壁藏之漢興亡失求得二十九篇以教齊魯之間訖  
孝宣世有歐陽大小夏侯氏立于學官然歐陽氏八世  
傳業至光武時歛學大行門生千人又為司徒封侯其  
書亦遂立為博士東京牟長宋登桓榮為歐陽氏牟融  
張訓為大夏侯氏王良為小夏侯氏其後三家皆亡于  
永嘉之亂而古文之書始行于六朝伏書二十八篇孔  
書五十八篇朱子曰熹嘗疑孔書是假書漢志尚書九  
家唐志二十五家宋志四十三家 皇明惟尚書蔡沉  
註列于學官而 成祖命儒臣纂修書經大全行于世

古文尚書孔安國 都尉朝 庸譚 胡常 徐放

王璜

塗暉

桑欽



古文尚書者出孔子壁中漢武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也共王徃入其宅聞鼓琴瑟鐘磬之音于是懼乃止孔安國得其書獻之劉向以中古文校歐陽大小夏侯三家經文酒誥脫簡一召誥脫簡二文字異者七百餘脫字數十惜其晚出不獲列于學官東京杜林最好之賈逵馬融鄭玄之屬爲作訓解然石經卒從伏氏晉鄭冲又好之以授蘇愉愉授梁柳柳授臧曹曹授梅願爲豫章內史上其書而有缺典至隋始備蔡大寶劉炫之屬皆宗之而孔學大行然姚方興所上舜典多二十八字識者終不能無疑焉西漢又有東萊書百二篇黜爲僞書平當周敞皆經師共勸留之不能得二子之留豈非以中書所校者乃伏氏之書不可盡據歟然其篇目有九恭典寶原命律序相照豈亦有可留者不得以樊並之故不豈中唐州民家得三墳書晁公武云亦僞



翼奉 師丹 皮容

齊詩 轅固生 夏侯始昌 后舍 匡衡 滿昌 張邛

蕭望之 伏理

闕門慶忌

趙綰

主臧 常賞

魯詩 浮丘伯 申公 瑕丘江公 常賢 常玄成

唐長賓

徐公 王式 張長安

孔安國 褚少孫

薛廣總



張長安—張遊卿—許晏

王扶

薛廣德—龔舍

賁生

韓詩—韓嬰

食子公—栗豐—張就

趙子—蔡詛

王吉—長孫順—髮福

毛詩—卜子夏—申公—毛亨—毛萇—貫長卿

貫長卿—解延年—徐敖—陳俠



古有采詩之官王者所以觀風俗知得失自考正也孔子  
純取周詩上采殷下取魯凡三百五篇遭秦而全者以  
其諷誦不獨在竹帛故也漢世言詩者四家齊轅固生  
傳伏恭任末爲齊詩魯申公傳包咸高詡魏應爲魯詩  
燕韓嬰傳薛漢召馴澹臺敬伯爲韓詩荀卿授魯國毛  
亨毛萇傳謝曼卿衛宏賈逵鄭衆馬融鄭玄爲毛詩宏  
作小序時人謂亨爲大毛公萇爲小毛公齊魯韓三家  
並立于學官毛詩至漢平始得立齊詩亡於曹衛魯詩  
亡于西晉韓詩內傳亡于隋三詩既亡而毛傳獨行蓋  
大毛公之詩得之申公申公得之子夏其說多合于金  
滕儀禮國語孟子諸書自漢晉以至唐宋皆用其說至  
鄭樵作毛詩辨妄始以己意解之朱子集註乃多主鄭  
玄鄭玄有詩譜歐陽公有詩圖皆爲十四國世次而作  
漢志詩六家唐志二十五家宋志五十三家 皇明設  
學造士專主朱子集傳而諸家之學止備參考 成祖  
命儒臣纂修詩經大全行于世

公  
羊  
傳  
卜子夏——公羊高——公羊平——公羊地——公羊敢  
公羊壽



公羊壽

賁禹 — 棠谿惠 — 冥都  
嚴彭祖 — 王仲 — 東門雲

公孫文

董仲舒

褚太

王彥  
劉向 — 左咸

胡毋子都

嬴公 — 睦孟 — 顏安樂

冷豐 — 馬宮

段仲溫

任公

呂步舒 — 孟卿 — 踈廣 — 筦路 — 孫寶  
公孫弘

左傳

左丘明 — 曾甲 — 吳起 — 吳期 — 鐸椒 — 虞卿

孫卿 — 張倉 — 賈誼 — 貫公 — 張禹 — 尹更始

翟方進

尹更始

尹咸 — 劉歆

胡常 — 賈護 — 陳欽 — 王莽



穀梁傳——子夏——穀梁赤——孫卿——申公——瑕丘江公

丁姓——申章

榮廣——周慶

瑕丘江公

子

孫——胡常——

蕭秉

皓星公蔡千秋尹更始

尹咸

房鳳

崔方進

劉向

古之王者世有史官君舉必書所以慎言行昭法戒也左史記言右史記事為春秋言為尚書周室既微載籍殘缺仲尼思存前聖之業以魯周公之國史官有法又使子夏等十四人求周史記得百二十國寶書與左丘明據行事仍人道因興以立功就敗以成罰假日月以定歷數籍朝聘以正禮樂作為春秋又以書義有所褒諱貶損不可顯書口授弟子弟子退而異言丘明恐人執所見以失其實因據時事而作傳明夫子不以空言說經也及末世口說流行故有公羊穀梁鄒夾之傳四家之中惟公羊穀梁立于學官余讀子夏喪服傳乃知公穀之文有所本焉三傳之行公羊獨盛蓋董仲舒公



孫弘以春秋顯其後顏嚴二氏之學益廣武帝爲之別立顏嚴二博士唐玄宗所謂學開五傳者也穀梁之傳甚寡惟戾太子好之宣帝爲立博士亦故劔之意也卒不著東漢謝詠穎容爲左氏張玄爲顏氏丁恭周澤爲嚴氏又有李育何休盛推公羊爲作墨守而穀梁寢微矣歷漢魏西晉至南渡始得范武子漢志春秋二十三家唐志六十六家宋志一百二十九家皇明惟春秋胡安國傳列于學官而成祖命儒臣纂修春秋大全行于世

禮 高堂生

徐生 徐襄 徐延

公戶滿 桓生 單次

閻人通漢 方梁

楊榮

戴聖 橋仁

戴德 徐良

閻丘卿 慶普 慶咸

夏侯敬

蕭奮 孟卿

后倉



帝王質文世有損益至周曲爲之防事爲之制周衰諸侯將踰法度惡其害已滅去其籍漢興魯高堂生傳士禮十七篇訖于孝宣之世后倉最明戴德戴聖慶普皆其弟子三家立于學官禮古經出于魯淹中高堂生蕭奮孟卿后倉二戴所傳儀禮也戴德傳記八十五篇大戴禮也戴聖傳禮四十九篇今禮記也西漢慶氏與二戴並行東漢止立二戴博士後惟曹褒父子宗慶氏學漢末鄭玄好小戴記爲之注通儀禮周官爲三禮云漢志禮十三家唐志六十九家宋志六十四家

樂記雜于禮記中凡六家漢興制氏以雅樂聲律世在樂官頗能記其鏗鏘鼓舞而不能言其義武帝時河間獻王好儒與毛生等共采周官及諸子言樂事者以作樂記與制氏不相遠 皇明惟陳澔禮記註列于學官而成祖命儒臣纂修禮記大全行于世



續文獻通考卷之二百九十八

鄭興—鄭眾

周禮—劉向—劉歆—杜子春

賈逵—馬融—鄭玄

秦用商鞅法政尚酷烈與周官相反故搜禁焚燒獨慘至漢孝武開獻書之路是書雖出入于秘府五家之儒莫得而見故不立博士成帝詔劉向校錄經傳子歆繼之知周禮為周公致太平之迹始得列序著于錄畧而里人河南緱氏杜子春年且九十能通其說鄭興與子眾及賈逵往受業焉由是議郎衛次仲南郡太守馬季良皆著周禮解詁乃林孝存曰武帝知周官末世瀆亂不驗之書故作十論七難以排棄之何休亦以為六國陰謀之書唯鄭玄徧覽群經以為經世大法且載周禮故能荅林碩之論網羅眾家為之條註陸德明為之釋文唐賈公彥為之疏而後周禮大行于世

續文獻通考卷之二百九十八

七、三〇京



翼奉

江翁

長孫氏

孝經——顏芝——顏貞——

后倉

張禹

按孝經自魯恭王得之孔壁皆蝌斗書人無識者孔安國以今文考定書之竹簡唐玄宗自註詔元澹為疏始立

于學官有顏經十八章孔安國傳二十一章劉向從顏氏

主吉——張禹

王卿

庸譚

齊論語二十二篇有問——王知道二篇

常賢——常玄成

夏侯勝——蕭望之

夏侯建——張禹

魯論語二十篇

孔安國——扶卿

古論語二十一一篇分堯口——子張問為二篇

續文獻通考 卷之二百九十八



按王克云武帝得論語于孔壁中皆名曰傳孔安國以古  
論教晉人扶卿始曰論語漢安昌侯張禹受魯論于夏  
侯建又從王吉受齊論擇善而從號曰張侯論禹以授  
成帝後漢包咸周氏並為章句列于學官古論惟孔安  
國為之訓解而世不傳漢末鄭玄以張侯論為本參考  
齊論古論而為之注魏何晏又為集解梁陳時惟鄭何  
立于國學 皇明惟朱氏論語集註列于學官而 成  
祖命儒臣纂修論語大全行于世

大學  
中庸  
戴聖  
程頤  
程顥  
朱熹

學庸二書漢小戴輯入禮記四十九篇之中孝宣立小戴  
禮而二書已列于學官至宋二程氏又表章之宋孝宗  
淳熙中朱熹既集註論孟又取大學中庸為之章句或  
問通稱為四書寧宗嘉定四年國子司業劉燾奏刊朱  
子四書于太學由是四書之傳大行于世 皇明亦惟  
朱子學庸章句列于學官與 成祖命儒臣纂修大學  
中庸大全並行



續文獻通考 卷之三百九十八 二名九十一京

陸善經 註七

孟子 趙岐 註十 四篇

孫奭 疏

丁公著 音釋

孟子前史皆在儒家趙岐陸善經為之註張鎰丁公著為之音釋至宋治列于經而孫奭為之疏孟子有外書四篇性善辯文說孝經為政趙岐云偽書也漢文帝嘗置孟子博士其後王充馮休李遵司馬公林慎思鄭原叔之徒與孟子異者凡六家故世儒又有翼孟尊孟書皇明惟朱子所註孟子書列于學官而成祖命儒臣纂修孟子大全行于世

郭璞

樊豐

爾雅 周公 孔子 卜子夏 叔孫通 梁文 劉歆

孫炎

續文獻通考 卷之三百九十八 十七 三百卅七京



爾雅舊附孝經六書爲小學之書隋經籍志以附論語類  
至唐陸德明始以爲周公之書列于經趙岐云孝文嘗  
立爾雅博士然史漢無徵焉嘗考之前代小學十家古  
者八歲入小學故保氏掌教國子教之六書謂象形指  
事會意諧聲轉注假借造字之本也漢興蕭何草律亦  
著其法曰太史試學以六體試之六體者古文奇字篆  
書隸書繆篆蟲書皆所以知古今文字摹印章書幡信  
也古例書必同文不知則闕問諸故老至于衰世是非  
無証人用其私 皇明太祖輯洪武正韻一書頒行天  
下令科試行移一以是書爲準

道統總論

天下不可一日而無此道則斯道之統不可一日而無傳  
統之絕續道之存亡係焉然上無表章之主則無以綱  
羅放失下無師承之士則無以闡發幽秘是人又統之  
所賴以不墜也者故羲農軒轅堯舜相繼御寓而萬世  
道學之統始開見而知此者爲禹臯陶爲伊萊呂散聞  
而知此者爲成湯文武周公維時斯道大明如日中天  
而統系之傳莫或有奸之者自姬室陵夷諸侯竊命邪  
說橫流統之不絕者僅如綫耳孔子憫王政之廢缺論  
次詩書脩明禮樂作春秋垂萬世而統歸洙泗矣七十  
子之徒遵其教以遊列國如子思之居衛子張之居陳



子游之居吳子夏之居西河而田子方段干木之屬皆  
受業於子夏雖其人賢不肖殊科而其衍沫泗之統則  
一也威顯之際孫吳蘇張各立門戶聖代遺言幾于絕  
響孟軻氏接曾子子思之傳潤色孔子之業以表于戰  
國然淹中稷下八儒三墨漆園黍谷名法兵農之流爭  
鳴輩出而道統幾爲天下裂迨至嬴秦焚坑並作而六  
藝始蕩然矣猶幸斯文未喪于天而山岩屋壁之藏尚  
存十一也漢惠帝除挾書律而後殘編斷簡稍稍間出  
武帝表章于前學士景從風嚮而昭宣元繼之增置博  
士設甲乙丙三科以招延弟子業一經者位皆至通顯  
而儒術始大行于世更始以降典籍散亡又道統之一  
厄也光武中興首訪儒雅探求闕逸而後四方學士抱  
負墳策雲集京師立五經博士各以家法教授明帝始  
雍執經問難建初中大會諸儒于白虎觀肅宗稱制裁  
決如石渠故事靈之不君猶能詔諸儒正定經書刻石  
學門逮董卓移都而辟雍東觀蘭臺石室宣明鴻都所  
藏散佚幾半王允收其餘賸載之以西猶盈七十餘單  
尋遭長安之亂殘缺殆盡特少嬴秦之燔耳三國紛爭  
詩書絕講雖有王肅孫叔然輩勦獵陳言互相論駁弟  
少延漢儒之一脉耳魏晉六朝風斯頹矣背闕里之典  
章逐玄虛之陋習運否道消可爲長嘆時則有范平文  
立徐邈范宣諸賢並崇經學差強人意至南北分裂之



日君臣習于戰鬪士庶怠于橫經雖魏文梁武頗號知  
儒黃初建安天監中開館設學射策明經崔巖何伏之  
徒前後互見斯亦燭火之餘光也隋文受禪嚮意儒林  
所辟元善何妥劉炫劉焯房暉遠輩爭鳴于朝王仲淹  
輩教授于鄉質疑受業後進亦有賴焉晉陽啓祚文治  
蔚興太宗偃武脩文開館招延惇師秀艾負素舉至讎  
正五經創立義疏貞觀開元之盛庶幾有功于教化祿  
山之亂官緇私楮喪脫良多文宗用張參等是正訛漏  
然去貞開遠矣後之譚道統者惟知漢人羽翼聖經而  
不知隋唐以來如陸元朗顏師古孔穎達褚無量諸人  
恪守師門討析經義闡明聖蘊俾斯文之統不遂斬絕  
以俟宋室諸君子其功可盡泯哉唐末五代藻翰之士  
非不間作于吾道之絕續矣賴焉宋朝中葉文運肇興  
春陵周敦頤氏得聖賢傳心之秘而河南二程兄弟及  
門受業益充擴其所未發迄于南渡新安朱考亭氏者  
出接程氏之正傳而二氏門人各以其學互相發明然  
後孔子孟遺言煥然復明于斯世元以蒙古部入主華夏  
猶知崇重聖道而吳澄許衡諸賢力排異議其源流並  
有端緒固不得以出處之際而槩少之也

皇明御極變夷爲華

太祖投戈講藝朝夕不倦設科取士一以程朱爲正的  
成祖輯五經性理大全以開群蒙



宣宗著五倫全書以詔來學  
世宗闡敬一微言以上接乎堯舜之傳蓋自  
列聖以及

今上靡匪尊儒重道 幸學開筵而黜百家崇六典 詔  
重脩十三經註疏及二十一史以收菁莪樸棧之効一  
時雲蒸霧合之士非周公孔子之道不道非濂洛關閩  
之學弗學如薛文清陳白沙陳剩夫胡敬齋羅一峰陳  
克庵諸先生其著述其講論其經濟皆粹然一出于正  
千百年斯道之統非斯人吾誰與歸先達諸公嘗著道  
學傳及理學名臣錄庶幾備矣而源委未詳姓氏脫畧  
觀者不能無遺恨故哀其世次之畧採其統緒之全別  
爲道統一考附帝系考之後庶治教一統咸有所證據  
而不至泯沒無稽云

肇統列聖

太昊伏羲氏又曰庖犧氏皇極氏亦曰天皇燧人氏之子  
母曰華胥履大人跡于雷澤而孕因風而生故爲風姓  
生于成紀都于陳繼天而王爲百王先德合上下天應  
以鳥獸文章地應以河圖洛書仰觀俯察中觀物宜始  
作書契畫八卦象法乾坤以正君臣父子夫婦之義制  
嫁娶作律法定五行造甲歷日月歲時自此而生疏導  
泉源析民田里分九州之牧而天下化洽修身理性反  
其天真而樂音自此而興實萬世道學之祖



續文獻通考 卷之二百九十八  
炎帝神農氏起于列山曰烈山氏亦曰連山氏曰大庭氏  
曰魁隗氏亦曰人皇少典之元子其母曰女登感神龍  
之祥而生長于姜水故爲姜姓以次德王故爲炎帝初  
都于陳後徙魯始作耒耜教民藝五穀故曰神農畫八  
卦首艮作連山之易蓋繼伏羲而衍道學之統者

黃帝軒轅氏亦曰有熊氏帝鴻氏歸藏氏亦曰地皇少典  
娶于有蟠氏孕二十四月而生帝于壽丘本姓公孫以  
長于姬水故改姬姓都于有熊帝生而神靈代神農爲  
天子始制法度正名百物迎日推策演八卦作易名曰  
坤乾又受河圖見日月星辰之象遂有星官之書又造  
書契調鍾律紀歷數命倉頡爲史官制文字衣服冕旒

舟車宮室弭矢之利靡不畢具鳳凰來巢麒麟遊囿裔  
夷之人罔不來享寔開百代文明之運

帝堯陶唐氏帝嚳之子摯之弟也名曰放勳姓伊祁初封  
于陶後改爲唐侯遷晉陽摯以荒淫見廢諸侯尊堯爲  
天子都平陽其德政具載典謨而以天下授舜首闡執  
中之訓後世道學淵源實本于此  
帝舜有虞氏曰重華母握登生于姚墟故姓姚及受堯禪  
都蒲阪齊七政觀四岳肇十有二州封山濬川分任禹  
臯陶稷契伯夷夔龍垂益彭祖以亮天工師紀后拜蒲  
衣親善卷學于務成招天下明德自虞始後以天下禪  
禹申明精一執中之旨是又發帝堯所未發



夏后氏禹姒姓母有莘氏女修己生于石紐長于西羌卽位都于韓聲律身度克勤克儉治水成功天下宗爲山川鬼神主而拜昌言惡旨酒祗台德先無非欲存此心以上繼堯舜之統至神龜出洛夫錫以洪範九疇乃知宛委之金簡玉文殆非盡出于傅會

商王湯名履亦曰成湯亦曰天乙子癸之子廟號烈祖始封于商遷于亳亳有澗水故亦謂之殷天錫勇智表正萬邦伐夏受命寬仁彰信昭德建中以禮義爲制事制心之要真帝王傳心大法也作歸藏易以坤爲首

周文王昌襲公季爲西伯遷於豐遵后稷公劉之業則古公公季之法篤仁優老慈少禮賢日中不暇食以待士之紂用崇侯虎諧囚于羑里究明易道演八卦爲六十四重易六爻作上下篇信誼行于諸侯終守臣節是時五星聚房赤雀啣書止于屋又有黃龍玄龜白魚負圖之應

周武王名發文王仲子也伐紂踐祚三日用師尚父丹書言留心敬怠義欲之辨作銘書于籍几鑑盥盤楹杖帶履觴豆戶牖劔云矛以自警十有三祀訪箕子陳洪範以敘彝倫蓋能修文王之業以上承列聖者

周公旦武王弟也旦爲子仁孝異于群子佐武王伐紂作牧誓武王有疾作策告先王願以身代藏策金縢置中成王立旦攝政負辰以朝諸侯召公疑之欲引去作君



爽避流言居東作鴟鶚之詩以貽王時暴風雷雨偃禾  
拔木王啓金滕感泣迎公天乃雨反風禾盡起管蔡武  
庚叛公作大誥誅管叔殺武庚放蔡叔三年而定作立  
政作多方董正治官制禮作樂作周官布衣之士公所  
贊而師者十人所友見者十二人窮巷白屋先見者四  
十九人進善百人教士千人官朝者萬人召公營洛邑  
作召誥洛誥王既遷殷遺民公以王命作多士分正東  
都作蔡仲之命在豐作無逸篇中所言無非援引古先  
哲王之心法治法蓋不獨近兼三王寔遠紹乎二帝者  
也

孔子名丘字仲尼微子之後故爲宋人叔梁紇其父也紇

祖防叔避華督之難奔魯魯襄公二十二年生孔子于  
魯昌平鄉年少好禮有聖人之表河目而龍顏修肱而  
龜背長九尺六寸言必稱先王躬履謙讓洽聞疆記仕  
魯爲小吏見郊子而問官問禮學琴于師襄適齊訪樂  
于萇弘適周問禮于老聃魯國僭亂離于正道遂不仕  
退而修詩書禮樂遠方莫不受業後在魯爲中都宰爲  
司空爲大司寇攝朝政設法而不用無姦民已而適衛  
適宋適陳適曹適鄭皆不合還息鄆鄉作鄆操尋又之  
宋之衛之齊之楚而歸魯終不求仕乃追述三代之禮  
序書傳上紀唐虞下至秦繆編次其事古詩三千餘篇  
大子去其重取可施于禮義凡三百五篇皆弦歌之以



求合韶武雅頌之音禮樂自此可述晚喜易作彖象繫辭文言序卦之屬讀之常編三絕以六藝教弟子三千而通者七十二人魯哀公春狩獲麟夫子泣曰吾道窮矣乃因史記作春秋舉十二公行事繩之以文武之道成一王之法七十三歲而歿蓋哀公十六年四月乙丑也

按孔子卒後七十子之徒散游諸侯大者爲師傅卿相小者友教士大夫或隱而不見故子路居衛子張居陳澹臺子羽居楚子夏居西河子夏終于齊如田子方段干木吳起禽滑釐之屬皆受業于子夏之倫爲王者師是時獨魏文侯好學陵遲以至于始皇天下並爭儒術

漢明帝臨齊魯之間學者獨不廢則七十二子之功也  
手斲事迹畧具于後

### 繼統列聖

斯道之正統自伏羲以及文武周孔尚矣其歷代表章經術延禮儒紳凡有功于吾道者亦皆收錄以備參考如治統之有閏位君德瑕瑜弗計也

漢武帝卽位趙綰王臧之屬明儒學而上亦嚮之於是招方正賢良文學之士自是言詩則魯申培公齊轅固生燕韓太傅言尚書則濟南伏生言禮則魯高堂生言易則菑川田生言春秋則魯國胡毋生趙董仲舒而公孫弘以春秋白衣爲天子三公封平津侯天下學士靡然



以儒術起家

漢昭帝時舉賢良文學增博士弟子員滿百人宣帝末增倍之元帝好儒能通一經者皆復數年平帝時增元士之子得受業如弟子勿以爲員歲課甲科四十人爲郎中乙科二十人爲太子舍人丙科四十人補文學掌故漢光武雅好經術未及下車先訪儒雅採求闕文四方學士悉抱負墳策雲會京師范升陳元鄭興杜林衛宏劉昆桓榮之徒繼踵而集于是立五經博士各以家法教授易有施孟梁丘京氏尚書歐陽大小夏侯詩齊魯韓毛禮大小戴春秋嚴顏凡十四博士太常差次總領焉漢明帝初建三雍冠通天衣日月備法物之駕盛清道之

儀坐明堂而朝群后登靈臺以望雲物袒割辟雍之尊養三老五更饗射禮畢帝正坐自講諸儒執經問難于前冠帶縉紳之人圍橋門而觀聽者蓋億萬計其後復爲功臣子孫四姓末屬別立校舍搜選高能以受其業自期門羽林之士悉令通孝經章句匈奴亦遣子入學濟濟洋洋盛于永平矣建初中大會諸儒于白虎觀考詳同異連月乃罷肅宗親臨稱制如石渠故事顧命史臣著爲通義又詔高才生受古文尚書毛詩穀梁左氏春秋雖不立學官然皆擢高第爲講郎給事近署所以網羅遺逸博存衆家孝和亦數幸東觀覽閱書林及鄧后稱制學者頗懈時樊準徐防並陳敦學之宜又言



儒職多非其人於是制詔公卿妙簡其選三署郎能通經術者皆得察舉自安帝薄於藝文博士倚席不講靈帝乃詔諸儒正定五經刊於石碑爲古文篆隸三體書法以相參檢樹之學門使天下咸取則焉初光武遷還洛陽其經牒秘書載至二千餘輛自後三倍于前及董卓移都吏民擾亂辟雍東觀蘭臺石室宣明鴻都諸藏典冊文章競共剖散王允所收而西者纔七十餘乘道路艱遠復棄其半後長安之亂一時焚蕩無復存者

魏道武初定中原便以經說爲先立太學置五經博士生員千有餘人天興二年增國子太學生員至三千人四年春命樂師人學習舞釋菜于先師至明元時改國子

爲中書學立教授博士太武始光三年春起太學于城東後徵名儒高允等而令州郡各舉才學于是人多不尚儒林轉興文獻天安初詔立鄉學郡置博士助教太和中改中書學爲國子學建明堂辟雍尊三老五更又開皇子之學及遷都洛邑詔立國子太學四門小學孝文篤好墳籍坐輿提鞍不忘講道劉芳李彪諸人以經書進崔光邢巒之徒以文史達其餘涉獵典章閑習詞翰莫不縻以好爵動貽賞眷于是斯文蔚然比隆漢室矣宣武時復詔營國學樹小學于四門大選儒生以爲小學博士員四十人雖蠻宇未立而經術彌顯時天下承平學業大盛故齊燕趙魏之間橫經著錄不可勝數



大者千餘人小者猶數百州舉茂異郡貢孝廉對揚王  
庭每年逾衆神龜正光以後不足觀也

齊神武生於遼朔仗義建旗因魏氏喪亂爾朱殘酷之後  
文章禮樂銷鏹殆盡永熙中孝武復釋奠于國學又于  
顯陽殿詔祭酒劉瓛講孝經黃門李郁說禮記中庸舍  
人盧景宣講大戴禮夏小正篇又置生儒七十二人及  
永熙西遷天平北徙雖庠序之制有所未遑而儒雅之  
道遺形心慮時初遷都于鄴國子置生三十六人至興  
和武定之間儒業復盛矣始天平中范陽盧景裕同從  
兄仲禮起逆齊神武免其罪置之賓館以經教授太原  
公以下及景裕卒又以趙郡李同軌繼之二賢並大蒙

恩遇待以殊禮同軌云亡復徵中山張彫武勃海李鉉  
刁柔中山石曜等遞爲諸子師友及天保大寧武平之  
朝亦引進名儒授皇太子諸王經術然自始基暨于季  
世唯濟南之在儲宮性識聰敏頗自砥礪以成其美自  
餘多驕恣違禮絕無聞焉

周文帝雅重經典時西都板蕩先王舊章掃地盡矣文帝  
求闕文于三古得至理于千載黜魏晉之制度復姬旦  
之茂典盧景宣修五禮之缺長孫紹遠正六樂之訛朝  
章漸備學者嚮風及明皇續歷敦尚學藝內有崇文之  
觀外有成均之職握素懷鈇之士濟濟焉足踰前代矣  
保定三年詔尊太保燕公爲三老帝服袞冕乘碧輅陳



續文獻通考 卷之二百九十八  
三十一  
文物備禮容清蹕而臨太學俎割以食之奉觴以酌之  
斯稱一朝盛事其後徵沈重于南荆待熊安生以殊禮  
開黌舍以延學徒雖通儒盛業不逮魏晉之臣而風移  
俗變抑亦近代之美觀也

隋文帝膺期纂歷平一寰宇旌帛招賢好爵縻士四海九  
州強學待問之士靡不畢集乃整萬乘率百僚遵問道  
之儀觀釋奠之禮博士整懸河之辯侍中竭重席之奧  
考正亡逸研覈異同積滯群疑渙然氷釋于是超擢奇  
雋厚賞諸儒京邑達乎四方皆啓黌校齊魯趙魏學者  
尤多負笈追師不遠千里講誦之聲道路不絕中州之  
盛自漢魏以來一時而已及帝暮年精華少竭不

行專尚刑名執政之徒咸非篤好暨仁壽間遂廢天下  
之學唯存國子一所弟子七十二人迨煬帝卽位復開  
庠序國子郡縣之學開皇初徵辟儒生遠近畢至相與  
講論得失于東都之下舊儒雖已凋亡而信都劉士元  
河間劉光伯學通南北博極今古後生瞻仰所製諸經  
議疏縉紳咸師宗之旣而四郊戎馬師徒怠散空有建  
學之名而無弘道之實其風漸墜以至滅亡

梁武帝創業深愍晉儒之弊天監四年詔開五館建立國  
學總以五經教授置五經博士各一人于是以平原明  
山賓吳郡陸璉吳興沈峻建平嚴植之會稽賀陽補博  
士各主一館館有數百生給其餼廩其射策通明經者



卽除爲吏又選學生遣就會稽雲門山受業于廬江何胤分遣博士祭酒到州郡立學又詔皇太子宗室王侯始就學受業武帝親屈車駕釋奠于先師先聖申之以詔語賚之以束帛庶幾大道之行也

唐太宗身披橐鞬銳情經術卽王府開文學館召名儒爲學士與議天下事旣卽位殿左置弘文館悉引內學士番宿更休聽朝之間則與討古今治道前王所以成敗或日晏夜艾未嘗少怠貞觀六年詔罷周公祠更以孔子爲先聖顏氏爲先師盡召天下惇師耆德以爲學官敷臨幸觀釋菜命祭酒博士講論經義賜以束帛諸生能通一經者得署吏廣學舍千一百區三學益生員并

置書等一學皆有博士自元武屯管飛騎皆給博士授

經能通一經者聽入貢限四方秀艾挾策全集文治勃興于是新羅高昌百濟吐蕃高麗等郡酋長並遣子弟入學鼓箠躡堂者凡八千餘人史稱三代之盛不是過也帝又讎正五經繆缺頒示諸學與諸儒校章句爲義疏俾久其傳因詔前代通儒梁皇侃褚仲都周熊安生沈重陳沈文阿周弘正張議隋何妥劉炫等之孫並加引擢二十六年詔左丘明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭元服虔何休王肅王弼杜預范甯二十一人用其書行其道咸有以褒大之配享孔子廟庭唐三百年之治



稱貞觀其然哉

唐玄宗詔群臣及府郡舉通經士而褚無量馬懷素等勸講禁中天子尊禮不敢盡臣之置集賢院部分典籍乾元殿博彙群書至六萬卷經籍大備又稱開元馬祿山之禍兩京所藏喪脫幾盡章甫之徒劫爲縵胡于是嗣帝區區救亂之未遑安暇語貞觀開元事哉雖楊綰鄭餘慶鄭覃等以大儒輔政議優學科亦文辭之末耳至文宗校定五經鏡之貞石命張參等是正訛文寥寥一二可紀而斯道之系誰能續之

宋真宗邸第授經遊心翰墨以膺符稽古之主當五星聚奎之運真儒始出得不傳之學于遺經帝親幸曲阜加謚周孔詔譴非聖之書博選明經之士開崇文院以講讀復六科以羅俊乂而百年將絕未絕之統由此濬其源矣

宋仁宗明道初年卽開經筵用孫奭馮元等講論語又開邇英延義二閣寫尚書無逸篇于屏慶曆中詔建學興善數幸國學始封孔子後爲衍聖公且又表章學庸爲正學倡與語孟並行于世雖濂洛諸君子以闢邪衛正爲已任而作率興起以畢真宗之志者仁宗之功亦足尚也

宋高宗建炎初年播遷之際卽詔勿罷經筵夙夜經史講求疑義追贈程頤以明示學者之趨向諭士大夫宜以



續文獻通考卷之三百九十八  
三十三  
孔孟爲師遣使求遺書于天下又以機務餘閒作文宣  
王贊復贊七十二賢以廣列聖崇儒右文之典其于正  
學亦庶幾焉

宋孝宗系出藝祖聰明剛毅爲南渡諸帝稱首萬幾之暇  
取尚書所載敬天事作爲兩圖朝夕觀覽以自警省而  
致孝太皇力行三年之制則又千載一人而已

宋理宗崇尚經術登進賢哲淳祐元年之詔以周惇頤張  
載程顥程頤深探聖域千載絕學始有指歸中興以來  
又得朱熹精思明辨使大學論孟中庸之書本末洞徹  
道益以大明于世又令學官列諸從祀罷王安石  
石渠等書  
統十三贊以示諸生親書朱熹白鹿洞學

規以賜國學一時山林理學之士如林易之陳藻林公  
邁何基徐幾並見褒錄至訓儲官有曰平日所謂修身  
齊家當真實踐履勿爲口耳之學殆有合于聖門授受  
之微意惡可因其任用匪人而遂病其爲崇儒講藝之  
虛名也

皇明

太祖定鼎金陵卽召儒士許元葉瓚玉胡翰汪仲山等  
會食中書進講經筵王宗顯知寧越府首命開郡學  
延葉儀宋濂爲五經師戴良爲學正吳沉徐原爲訓導  
而學校始聞弦誦之聲二年闢禮賢館以處劉基宋濂  
章溢葉琛賜坐講經史尋以濂提舉江西儒學遣



世子受經丙午 命有司訪求古今書籍藏之 秘府  
以資覽閱江浙甫定卽 命天下郡縣皆立學教授生  
徒講論聖道四年 詔孔克表等釋四書五經名群經  
類要以開群蒙十五年 幸國學釋菜 御講筵親說  
禹臯陶謨洪範大旨自是或 御謹身或 御華蓋輒  
講人心道心倚伏之機晚歲 訓群臣微引古道出言  
成文動協典謨百年垂絕之統我 聖祖始續之矣  
成祖靖難初年首 諭解縉等採輯經史子集等帙類成  
一書以便考索鄱陽朱季支進書謗毀聖賢卽 命司  
府校百悉焚其家著述解縉講大學正心章則 諭以  
退朝默坐嘗思管東此心因北京儒士武闕文論易則  
語以易道在變通不失其正示胡廣以聖學心法而申  
明執中建極之旨五經四書傳註之外復 令胡廣楊  
榮金幼孜等採取周程張朱諸君子性理之言增附其  
下以爲大全頒布天下作爲程式真善繼 太祖之志  
而述其事以昭垂後裔者也

仁宗孝友天植允雅尚儒術勤于問學諸經無不研究而  
尤熟于書嘗曰爲治不出此書雖或小康皆苟道已於  
春秋曰先王禮壞是書所由作也卜筮不用俗占法必  
取正于易爻象及程朱之說信之甚篤王汝玉嘗言  
爲詩有法 上曰三百篇何所法哉其明敏穎悟類若  
此初在 東宮無他嗜好惟蓄經籍手不釋卷被服寬



博亦類儒者嘗 命刻真德秀大學衍義 賜諸子曰  
爲人上不可不知此書雖在位僅十越月而一言一動  
靡弗求合于墳典

宣宗崇尚經術留心儒教先在 邸第大寒大暑不廢書  
冊及其卽位因儒臣進講易觀大象而悟帝王巡狩之  
禮以 御書洪範及 御製序示輔臣語意甚得古人  
之精蘊雖在位僅數年而惓惓以崇文講學爲急務

英宗曉朝 慈極日 御經筵初頒五倫全書以作士行  
繼率武臣 幸學聽講五經以廣聖教聘處士吳與弼  
以弘儒術復辟之後益加慎畏古聖賢敬天勤民之統  
此爲得之

憲宗二十四載無日不開講筵而闡經義 命儒臣梓朱

熹通鑑綱目以明正統却侍郎周弘謨疑辯錄以絕紛  
更經義之弊且輯文華大訓以教元良蓋 帝王之學  
識其大者

孝宗涵養克實默契聖真在 憲宗時進學脩德無少暇

逸嗣 位後知 永樂大典貯于文樓取置 宮中時  
加省覽又尊崇聖道重建闕里 親製碑文遣輔臣往  
告其省察克治必自身始嘗曰吾人若不自家管束誰  
能管束纂 大明會典以成先志 命李東陽等脩歷  
代通鑑纂要以便士業晚歲得張元禎所進太極圖及  
性理諸書亟索觀覽且曰天生斯人以開朕使天假之



年 聖學未可量也

武宗賓天無嗣

世宗入繼 大統英明神武同符 太祖而銳精經術嚮  
意程朱爲治以敬天法祖知人安民爲務闡性道則敬  
一有箴五箴有註敦綱常則明倫有典明堂有問蓋心  
學淵源不特近紹 興獻家傳而直接危微精一之統  
矣嘗念 國家太平百餘年而禮文章創未應古始乃  
悉按三禮舊文摘抉疑義參以時制自 郊丘百神分  
合正配以及 陵廟丞嘗農蚕崇祀諸禮靡弗約會經  
典內斷于心以成一代制作之盛晚年 殿庭榜額悉  
取洪範無逸字義名之而 欽天記頌諸篇其所得于

尚書執中之旨尤多

穆宗脩嘉靖之政而享年不永傳至 雲間王圻纂輯  
今上皇帝于萬曆改元之初 親幸太學講說經義未幾  
改授提學 勅諭專以正文體端士習爲先務卽近科  
所取士詞意稍涉佛老怪僻大行革黜不少貸又 命  
國學重脩十三經註疏及二十一史以定士子之準繩  
故邇年以來博士家言漸返先秦兩漢之舊我 皇上  
久道作人之功信不誣矣

續文獻通考卷之一百九十八

續文獻通考卷之一百九十八



海取士隨意蘇武刺涉劉辯大計革興不少贊又命  
如對對學 煉信專以五文器識士皆為武蘇唱武杯  
今上皇帝千萬種如云之際 雖幸太學精精益美未幾  
蘇宗創嘉誠之效而草率不亦對全  
尚書時中之旨亦矣

續文獻通考卷之一百九十九

皇明進士雲間王圻纂輯

道統考 翼統先賢

翼統先賢事畧

按傳道前哲如臯伊呂散及孔門諸弟軻言備矣他若  
稷契夷夔傳說箕子之儔其言行載在典謨非不與斯  
道相表裏而軻氏又去古未遠乃不以見聞相推許其  
故殆不可知然典樂明禮思文配帝或敷教以明倫或  
敘疇而作範其功亦不在臯伊呂散下余故摭拾行畧  
并具姓氏列諸賢之次

唐虞



臯陶一名庭堅字賁高陽氏有才子八人庭堅其一也初  
佐舜爲士師明刑以弼五教及禹代舜復陳知人安民  
淳典庸禮命德討罪之謨蓋真見而知之者

夔初爲堯臣堯七十有七載效山林谿谷之音以歌麋  
置缶而鼓之擊石拊石象上帝石磬之音以致舞獸絃  
五絃之瑟爲十五絃命曰大章以祭上帝至舜時重黎  
舉之以爲樂正乃命益八絃爲二十三絃之瑟脩九韶  
六列六英以明帝德正六律和五聲以通八風重黎欲  
益求人舜曰一夔足矣命夔典樂教胄子八音克諧神  
人以和舜在位五載作九韶樂鳳凰來儀百獸率舞庶  
尹允諧又以樂外賞諸侯聞其音而德和省其詩而志  
正論其數而法立萬物不夭天地順而嘉祥應寔萬世

審音正樂之祖

伯夷姓姜堯時爲四岳舜命作秩宗典天地人三禮夙夜  
惟寅孔安國云夷職典禮施政教正直而清明啓後世  
禮教之原者舍伯夷其誰哉

后稷名棄帝嚳之子其母有邠音台地名氏女姜嫄爲帝嚳元  
妃出野履巨人跡期而生子以爲不祥棄之隘巷馬牛  
避弗踐徙置林中會人伐木遷而棄之冰上飛鳥以翼  
覆之姜嫄遂收養焉因名曰棄棄爲兒時屹如巨人志  
好種麻菽及成人遂好耕殖相地宜以爲稼穡民皆法  
則堯舉爲農師率育萬民輔弼教典詩稱文德配天後



世以稷契並美宜矣舜封棄于郟號曰后稷至武王時  
享以天子之祀

契帝嚳之子母曰簡狄有娥音戎氏之女爲帝嚳次妃三人  
行浴見玄鳥也燕墮其卵簡狄吞之因孕生契契長佐禹  
治水有功舜命爲司徒弘敷五典萬世明倫之教寔自  
契始封於商賜姓子氏

三代

傳說者殷之傅巖人也傅巖在北海虞虢之界通道所經  
有澗水壞道常使胥靡刑人築護之說賢而隱居貧不  
能自給乃代胥靡築之以供食武丁卽位思復興殷而  
無良佐夜夢得聖人旣覺以夢所見視群臣百吏皆非

也於是乃審厥象俾以形旁求于天下得說于傅巖惟  
肖見於武丁武丁曰是也與之語果聖人遂立以爲相  
置諸左右命之朝夕訥誨說對揚休命作說命三篇其  
詳具載商書高宗嘉靖殷邦商道復興皆說輔相之功

云莊子曰夫道可傳而不可得得而不可見傳說得之  
以相武丁奄有天下乘車維騎箕尾而比于列星

伊尹名摯力牧之後生于空桑後居伊水故姓伊耕莘時  
已樂堯舜之道及從湯聘進素王及九主等言相湯伐  
桀位阿衡告君以建立三公九卿大夫列士之政名曰  
事宗湯亡輔太甲作伊訓以感動之太甲不惠放之桐  
宮又作太甲三篇以警悟之太甲悔過復辟作咸有一  
德以陳戒于王非其心純道義一德格于皇天其能孚



衆志而格君心若此哉

萊朱卽仲虺奚仲之後爲湯左相湯放桀有慚德仲虺作  
誥以廣其意其政之教大夫官之教士技之教庶人猶  
之老彭家法也

太公望名尚東海人姓姜氏字子牙封于呂故稱呂尚嘗  
屠牛于朝歌賣飯于孟津以窮老就養西伯釣于渭上  
西伯出獵卜之當得王佐至磻溪果遇尚曰吾先君太  
公曰當有聖人適周周以興子真是耶吾太公望子久  
矣故號之曰太公望因以爲師告文王以王國富民文  
王從之天下三分有二後佐武王伐紂與天下更始尚  
父之謀居多至丹書之戒惓惓于敬怠義欲之辨其有  
功于斯道不小矣

散宜生周賢臣也文王爲西伯時宜生與太顛闕天鷲熊

辛甲大夫之徒往歸之廸西伯爨教惠鮮懷保脩和有  
夏以受有殷命周公留召公作君奭追道文王時事惟  
以號叔等五人爲稱首而宜生則居其一

箕子名胥餘紂親戚也

馬融王肅以箕子爲紂之諸父服虔杜預以爲紂之庶兄

食采

于箕故曰箕子紂始爲象箸箕子嘆曰彼爲象箸必爲  
玉杯爲玉杯則必思遠方珍怪之物而御之矣與馬宮  
室之漸自此始不可振也  
振救也紂又爲淫佚作炮烙之  
刑箕子諫不聽人或曰可以去矣箕子曰知不用而言  
愚也殺身以彰君之惡而自說于民吾不忍爲也二者



不可然且爲之不祥莫大焉乃解衣披髮佯狂而去隱  
居鼓琴以自悲世傳之曰箕子操及武王既克殷訪道  
于箕子箕子乃爲之陳洪範其文具周書洪範篇于是  
武王乃封箕子于朝鮮而不臣也朝鮮屬遼東外徼始  
箕子治朝鮮施八條  
之約也無淫盜門不夜扃故東夷以柔謹爲風異乎三  
方率皆土著喜飲酒歌舞或冠弁衣錦器用俎豆所謂  
中國失禮求之四夷者也  
其後通接商賈始流異矣後箕子朝周過故殷墟感宮  
室盡爲禾黍欲泣不可乃作麥秀之詩以歌之殷民間  
而流涕

春秋

顏淵名回子淵其字也少孔子三十歲家貧樂道孔子諷  
之仕對曰回有郭外之田五十畝足以給饘粥郭內十

畝足以供線麻鼓琴足以自娛所學于夫子者足以自  
樂不願仕也回願貧如富賤如貴無勇而威與士交通  
終身無患難可乎孔子曰雖上古聖人亦如此而已孔  
子北遊于農山子路子貢顏淵侍孔子曰二三子各言  
志由之言勇賜之言辯回則曰願得明王聖王輔相之  
敷其五教道之以禮樂使民城郭不脩溝池不越鑄劍  
戟以爲農器放牛馬于原藪室家無離曠之思千載無  
戰鬪之患由無所施其勇賜無所用其辯孔子凜然曰  
美哉德也行年二十九髮盡白三十二而卒其默契傳  
心之妙固非七十子所能比擬者矣

曾子名參魯南武城人字子輿少孔子四十六歲性至孝



家貧食力敝衣躬耕日不舉火而歌聲若出金石三省  
為學隨事精察魯君  
子語以七教三至自  
常權變之宜靡不反  
子以其志在行孝因之  
至易實數語尤凜凜乎立身  
東魯三千之徒蓋莫不聞其說而一貫之傳惟曾氏獨  
得其宗

閔損字子騫魯人少孔子十五歲幼喪母為後母所苦冬  
月衣以蘆花所生二子則衣以綿一日御父車身寒失  
轡父察知之欲出後母損曰母在一子單母去二子寒

父善其言而止母亦感悟孔子稱其孝閔子始見夫子  
有菜色後有芻豢之色子貢問故閔子曰吾出蕪葢之  
中入夫子之門夫子內切磋以孝外為之陳玉法心竊  
樂之出見羽蓋龍旂裘旃相隨心又樂之二者相攻胃  
中不能決是以有菜色今被夫子之教寢深又賴二三  
子切磋而進之內明于去就之義出見羽蓋龍旂裘旃  
相隨視如壇土矣是以有芻豢之色及居親喪三年畢  
孔子令絃琴切切而悲作而曰先王制禮不敢過焉孔  
子曰哀未盡能斷之以禮不亦君子乎真氏曰閔子言  
行見于論語者四躬至孝之行辭不義之祿氣和而正  
言謹而確此其亞于顏子而與曾子並稱焉卒葬騫山



之南今直隸鳳陽府宿州北七十里

子思名伋伯魚之子嘗受業於曾子隨母居衛年十六適宋君解樂朔圍遂述父師之意作中庸四十九篇其載于禮記者乃其畧也又有子思子七卷中庸首言性道教上得乎一貫之傳而孟子性善之論實昉于此但曾子得之于隨事省察而子思之學則直達天德庶幾顏氏之妙悟而聖門真傳其在是矣

冉耕字伯牛魯人少孔子七歲以德行稱亞于顏閔尸子曰仲尼志意不立子路侍儀服不脩公西華侍禮不習子游侍辭不辯宰我侍亡忽古今顏回侍不節小物冉伯牛侍子曰吾以夫六子自厲也孔子爲司空以冉耕

爲中都宰嘗從阨于陳蔡之間後以不及門追思慕在  
今山東兗州府東平州西一十五里自汶上縣西門外  
橋側遷于此

冉雍字仲弓伯牛之宗族少孔子二十九歲以德行著名嘗問于孔子曰雍聞至刑無所用政至政無所用刑至刑無所用政桀紂之世也至政無所用刑成康之世也信乎孔子曰聖人之治化也必刑政相參焉太上以德教民以禮齊之其次以政導民以刑禁之子貢曰在貧如客使其臣如借不遷怒不深怨不錄舊罪是冉雍之行也今仲弓墓有二一在兗州府曹縣東南五十里俗呼爲冉堦一在東昌府冠縣北二十五里



宰予字子我魯人長於言語常問五帝之德孔子告之詳見家語既而曰予非其人也又嘗使宰予於楚昭王問之宰予曰切見夫子道行則樂其治不行則樂其身方見天下道德寢息志欲興而行之天下誠有欲治之君夫子固猶爲之何必遠辱君之貺他日歸以告孔子子貢曰予之言行事之實未盡夫子之美也夫子曰言貴實使人信之舍實何稱乎是賜之華不若予之實也又曰吾於予取其言之近類也於賜取其言之切事也近類則足以喻之切事則足以懼之仕齊爲臨淄大夫今曲阜縣西南三里有宰我墓

端木賜字子貢衛人也少孔子三十一歲孔子自衛反魯

子貢從之故其言見于魯之君臣爲多魯定公十五年邾隱公來朝子貢觀焉邾子執玉高其容仰定公受玉卑其容俯子貢曰二君者皆將死亡高仰驕也卑俯替也驕近亂替近疾是歲定公卒後邾子失國哀公十二年公會吳于橐臯吳子使太宰嚭請尋盟公不欲使子貢對曰盟所以周信也故心以制之玉帛以奉之言以結之明神以要之寡君以爲苟有盟焉弗可改也已若猶可改日盟何益今吾子曰必尋盟若可尋也亦可寒也乃不尋盟鄭之會衛辭吳盟吳人藩衛侯之舍子貢乃束錦以行見太宰嚭語及衛故嚭曰衛君之來也緩故寡君止之子貢曰衛君之來也必謀于其衆其衆或



欲或否是以緩來其欲來者子之黨也其不欲者子之  
讎也若執衛君是墮黨而崇讎也合諸侯而執衛君墮  
黨崇讎或者難以霸乎詔乃舍衛侯十六年孔子卒哀  
公誄之曰旻天不吊不憖遺一老俾屏余一人以在位  
惻惻余在疚嗚呼哀哉尼父無自律子貢曰君其不沒  
於魯夫子之言曰禮失則昏名失則愆失志爲昏失所  
爲愆生不能用死而誄之非禮也稱予一人非名也君  
再失之哀公卒死於越二十六年衛出公自城鉅使以  
弓問子貢且曰吾其人乎子貢稽首受弓對曰臣不識  
也私於使者曰昔成公孫於陳甯武子孫莊子爲宛濮  
之盟而君入獻公孫於齊子鮮子展爲夷儀之盟而君  
入今君再在孫矣內不聞獻之親外不聞成之卿則賜  
不識所由入也詩曰無競維人四方其順之若得其人  
四方以爲主而國于何有出公亦終死于越二十七年  
越子使后庸聘于魯且言邾田封于駘上將盟于平陽  
季康子病之曰子貢在此吾不及此夫孟武伯曰然何  
不召曰固將召之叔孫文子曰他日請念然亦不能用  
太史公謂子貢好廢舉與時轉貨貴家累千金喜揚人  
之美不能匿人之過然此亦子貢少時事耳至其晚年  
進德必不爲此觀于孔子告以一貫之旨游夏之徒亦  
莫能及殆不特居言語之科而已子貢嘗宰信陽相魯  
衛終于齊所著有詩傳一卷其墓或曰今在濬縣大伾



山

冉求字子有仲弓之宗族少孔子二十九歲有才藝善于政事仕爲季氏宰進則理其官職退則受勅聖師魯哀公十一年齊師伐魯及清季康子謂求曰若之何求曰一子守二子從公禦諸境康子自度不能求曰然則居封疆之間康子告二子二子亦不可求曰君無出一子帥背城而戰魯之群室衆于齊之兵車一室敵車優矣二子之不欲戰也宜政在季氏當子之身齊人伐魯而不能戰大不列于諸侯矣康子使從于朝叔孫武叔呼而問戰焉對曰君子有遠慮小人何知孟懿子強問之對曰小人慮材而言量力而共者也武叔曰是謂我不

成丈夫也退而蒐乘孟孺子洩帥右師冉求帥左師季氏之甲七千求以武城人三百爲已徒卒次于雩門之外五日右師及與齊師戰于郊右師奔齊人從之求用樊須以帥衆遂入齊師獲甲盾八十齊人宵遁孔子聞之曰義也是年孔子在衛冉有言于季孫曰國有聖人而不能用欲以求治是猶却步而欲求及前人不可得已今孔子在衛衛將用之已有才而以資鄰國難以言智也季孫以告哀公公從之哀公問冉有曰凡人之質必學而後爲君子乎對曰子路卞之野人也子貢衛之賈人也學于孔子遂爲天下顯士學之故也孔子又曰好學博藝省物而勤已是冉求之行也今交州府滕縣



續文獻通考 卷之二百九十九  
南三里柏塚社有冉子墓勝人疑爲求墓云

仲由字子路一字季路魯之卞人也少孔子九歲有勇力  
才藝以政事著初見孔子冠雄雞佩玃豚陵暴孔子孔  
子設禮稍誘子路子路後儒服委質因門人請爲弟子  
孔子曰以子之所能而加之以學問豈可及乎子路曰  
南山 曰不操自直斬而用之達于犀革以此言之何  
學之 曰括而羽之鏃而礪之其入之不亦深乎子  
路再拜 敬受教子路鼓琴孔子聞之謂冉有曰昔者  
舜彈五 之琴造南風之詩故其興也勃焉紂好爲比  
鄙之 也忽焉今由也曾無意于先王之制而習  
二國 直能保其七尺之軀哉子路懼而自悔靜思

不食以至骨立孔子曰過而能改其進矣乎子路將行  
辭于孔子請以言贈子曰不强不達無功不忠無親不  
信無復不恭失禮子路曰由請終身奉之子路爲蒲宰  
見于孔子曰邑多壯士又難治也子曰然吾語汝恭而  
敬可以攝勇寬而正可以懷強愛而恕可以容困溫而  
斷可以抑奸及治蒲三年孔子過之入其境曰善哉由  
也恭敬以信矣入其邑曰善哉由也忠信以寬矣至其  
庭曰善哉由也明察以斷矣子貢執轡而問曰夫子未  
見由之政而三稱其善其善可得聞乎孔子曰吾見其  
政矣入其境田疇盡易草萊甚闢溝洫深治此其恭敬  
以信故其民盡力也入其邑墻屋完固樹木甚茂此其



忠信以寬故其民不偷也至其庭庭甚清閒諸下用命此其明察以斷故其政不擾也以此觀之雖三稱其善庸盡其美乎小邾射以勾繹奔魯曰使季路娶我無盟矣使子路子路辭季康子使冉有謂之曰千乘之國不信其盟而信子之一言子何辱焉對曰魯有事于小邾不敢問故死其城下可也彼不臣而濟其言是義之也由弗能季氏祭其廟遽闇而祭暮而不成禮他日祭子路與使室事交乎戶堂事交乎階質明而始行事日幾中而禮成故孔子稱其知禮子路見孔子曰負重涉遠不擇地而休家貧親老不擇祿而仕昔者由也事二親之時嘗食藜藿之實爲親負米百里之外親沒之後南遊于楚從車百乘積粟萬鍾累茵而坐列鼎而食願欲食黍藿爲親負米不可復得也孔子曰由也事親可謂生事盡力死事盡思者也顏雝善事親子路義之後雝以非罪執於衛將死子路請以金贖衛人將許之旣而二三子納金於子路以入衛或謂孔子曰受人之金以贖其私昵義乎子曰義而贖之貧取于友非義而何愛金而令不辜陷辟凡人且猶不忍况二三子于由之所親乎出公之十三年子路爲孔悝家臣將入子羔曰弗及不踐其難子路曰食焉不避其難子羔遂出子路入乞孟獻敵子路以戈擊之斷纓子路曰君子死冠不免結纓而死孔子聞衛亂曰柴也其來由也死矣已而果



然孔子痛之曰自吾有由而惡言不入于耳子貢曰不  
畏彊禦不侮矜寡其言循性材任治戎是仲由之行也  
後葬于蒲

言偃字子游吳人少孔子三十五歲自吳之魯受業於孔  
子子游每侍輒以禮爲問故聖門謂子游習于禮季康  
子謂子游曰仁者愛人乎子游曰然人亦愛之乎子游  
曰然康子曰鄭子產死鄭之人丈夫捨玦珮婦人捨珠  
珉巷哭三月不聞竿瑟之聲仲尼之死吾不聞魯國之  
愛之若是何也子路曰子產之於夫子其猶浸水之與  
天雨乎浸水所及人得而知之也天雨所及人不得而  
知之也游在聖門以文學著名其宰武城以禮樂化民

邑人稱恩至今昔人謂吳公豪傑之士而南方之學得  
其精華不信然哉今吳郡有子游塚云

顓孫師字子張陳人也少孔子四十八歲外矜莊而寡誠  
信至聞聖教之後卒改便辟近裏著已嘗問入官于孔  
子孔子曰安身取譽爲難已有善勿專教不能勿怠已  
過勿發失言勿擗不善勿遂行事勿留君子入官有此  
六者則身安譽至而政從矣忿戾者獄之所由生也拒  
諫者慮之所以塞也慢易者禮之所以失也怠惰者時  
之所以後也奢侈者財之所以不足也專獨者事之所  
以不成也君子入官除此六者則身安譽至而政從矣  
子張退而記之子張見魯哀公七日而哀公不禮託僕



夫而去曰君之好士也有似葉公子高之好龍也葉公好龍鈎鑿屋室雕文咸寫龍于是天龍聞而下焉窺頭於牖拖尾於堂葉公見之棄而還走失其魂魄五色無主是葉公非好龍也好夫似龍而非龍者也今師聞君好士故不遠千里以見君乃七日不禮是君非好士也好夫似士而非士者也敢託而去子貢曰美功不伐貴位不喜示侮不佚不傲無告是顓孫師之行也孔子曰其不伐則猶可能其不侮百姓則仁也今直隸徐州蕭縣南三十五里嶗坊村西有子張墓

卜商字子夏衛人少孔子四十四歲嘗讀詩畢孔子問曰爾何大干詩也對曰詩之于事也昭乎若日月燎乎如

星辰上有堯舜之道下有三王之義雖居蓬戶之中彈琴以詠先王之風亦可以發憤忘食夫子曰商也可與言詩遂相與問答三無五至之理孔子沒退居西河教授爲魏王師其在聖門以文學著于四科序詩傳易稽古志禮何休云孔子至聖却觀無窮知秦將必焚書故以春秋之說口授子夏子夏授穀梁叔叔爲經作傳以授荀卿卿授申公子夏又作詩序以授魯申申授李克克授孟仲子仲子授根牟子根牟子授荀卿荀卿授魯人毛亨爲大毛公亨授毛萇爲小毛公

澹臺滅明武城人字子羽少孔子四十九歲狀貌甚惡欲事孔子孔子以爲材薄旣已受業退而脩行行不由徑



非公事不見卿大夫南游至江從弟子三百人設取予  
去就名施乎諸侯孔子聞之曰吾以言取人失之宰子  
以貌取人失之子羽子貢曰貴之不喜賤之不怒苟利  
於民廉於行已是澹臺滅明之行也今蘇州府南一十  
八里有澹臺湖卽其南游遺迹云一統志稱其墓有四  
一在江西南昌府城內東湖上總持院後一在山東費  
縣東北三十里一在鄒縣西三十里一在河南陳留縣  
北六十里

宓不齊字子賤魯人少孔子四十九歲爲單父宰辭於夫  
子夫子曰毋迎而距也毋望而許也許之則失守距之  
則閉塞譬如高山深淵仰之不可極度之不可測也子

賤曰善敢不承命瀕行過于陽晝曰子亦有以送僕乎  
陽晝曰吾少也賤不知治民之術有釣道二焉請以送  
子夫級綸錯餌迎而吸之者陽橋也其爲魚薄而不美  
若存若亡若食若不食者魴也其爲魚也博而厚味子  
賤曰善于是未至單父冠蓋迎之者交接于道子賤曰  
車驅之車驅之陽晝之所謂陽橋者至矣於是至單父  
請其耆老尊賢者而與之共治他日孔子問曰子治單  
父而衆悅子何施而得之也對曰不齊父其父子其子  
恤諸孤而哀喪紀孔子曰是小民附矣猶未也曰不齊  
所父事者三人所兄事者五人所友者十有一人孔子  
曰父事三人可以教孝矣兄事五人可以教弟矣友十



續文獻通考卷之九十九  
有一人可以教以矣是士附矣猶未也曰此地有賢于不齊者五人不齊師之而稟度焉孔子曰昔堯舜聽天下務求賢以自輔夫賢者百福之宗也神明之主也惜乎不齊之所治者小也子賤在單父彈鳴琴身不下堂而治既巫馬期亦宰單父以星出以星入日夜不處以身親之而單父亦治巫馬期問于子賤子賤曰我任人子任力任人者佚任力者勞人謂巫馬期勞煩教詔雖治猶未至也家語稱子賤有才智仁愛百姓不忍欺擬諸道德齊禮有耻且格異於任察畏罪者云所著書有宓子十六篇墓在今直隸鳳陽府壽州南六十里鐵佛岡舊有碑云子賤爲魯使吳死于道因葬焉

原憲字子思宋人少孔子二十六歲清靜守節貧而樂道孔子歿思隱於衛居草澤中子貢相衛結駟連騎掛藜藿入窮閭過謝思思攝敝衣冠以見子貢耻之曰夫子豈病乎思曰吾聞之無財者謂之貧學道而不能行者謂之病若憲貧也非病也子貢不懌而去終身耻其言之過也薛應旂曰以原思之貧而辭爲宰之粟殆幾於獨行者矣雖若未進于中行而蘆頑立懦豈不亦卓然可尚哉今費縣西北一百二十五里有原憲墓  
公冶長齊人字子長游於聖門其爲人無所考嘗陷於纒綆孔子謂非其罪妻之以子漢書云公冶長墓在姑幕城東南五里志稱今青州府諸城縣西四十里是



南宮适又名緇字子容又字敬叔魯孟僖子之子孟懿子  
之弟仲孫閱也居南宮因姓焉孟僖子病將卒召其大  
夫曰禮人之幹也吾聞有達者曰孔丘聖人之後也我  
若獲沒必屬閱與何忌於夫子使事之而學禮焉故孟  
懿子與南宮敬叔師事仲尼初敬叔以富得罪於定公  
奔衛後得反載其寶以朝夫子聞之曰若是其貨也喪  
不如速貧之愈也子游問何謂孔子曰富而不好禮殃  
也敬叔以富喪矣而又弗改懼其有後患也敬叔聞之  
遂循禮施散焉哀公三年司鐸火踰公宮桓僖宮災掠  
火者皆曰顧府南宮敬叔至命周人出御書俟於宮故  
子服景伯遂命宰人出禮書唯是周禮在魯而典籍尚  
存者敬叔之功爲多也子貢曰獨居思仁公言思義其  
於詩也則一日三復白圭之玷是南宮緇之行也孔子  
信其能仁以爲異士薛應旂曰南容固翩翩濁世之公  
子也一從夫子游遂爲君子尚德之人而列于聖門高  
弟學之所繫豈微乎哉

高柴字子羔齊人敬仲高僖十代孫也鄭玄曰衛人少孔  
子四十歲長不過六尺爲人篤孝而有法少居魯知名  
於孔子之門自見孔子未嘗越禮足不履影啓螿不殺  
方長不折執親之喪泣血三年未嘗見齒孔子以爲難  
亦以爲愚子路仕衛子羔亦爲衛士師出公之難子羔  
出子路止死方其爲士師也別人之足及其出也走郭



門別者守門焉謂子羔曰彼有缺子羔曰君子不踰又  
曰彼有竇子羔曰君子不隧又曰于此有室子羔乃入  
焉既而追者罷子羔謂別者曰吾不能虧主之法而別  
子足今吾在難正子報怨之時而逃吾者三何哉別者  
曰斷足吾自取之獄將決而君愀然不樂君非私我也  
此臣之所以悅君孔子聞之曰善哉爲吏其用法一也  
思仁恕則樹德加嚴暴則樹怨公以行之其柴乎子羔  
寢疾慶遺入請子羔曰吾聞之生有益于人死不害于  
人吾縱生無益于人可以死害于人乎哉我死葬我不  
毛之地可也薛應旂曰夫子嘗謂柴也愚及子路使爲  
費宰則爲賊夫人之子然而子羔之仕于魯衛則卓有

可觀而孔悝之亂夫子亦謂其來豈有警于夫子之教  
而好學明理遂以破愚也抑亦愚者近厚其質本可遷  
與今稱高柴墓者有四未詳孰是

漆雕開字子若蔡人少孔子十一歲習尚書不樂仕孔子  
使之仕對曰吾斯之未能信子說孔子問漆雕憑曰子  
專臧文仲武仲及孺子容此三大夫孰賢對曰臧氏家  
有守龜焉名曰蔡文仲三年而爲一兆武仲三年而爲  
二兆孺子容三年而爲三兆憑從此見之若問三人之  
賢與不賢未敢識也孔子曰君子曰漆雕氏之子其言  
人之美也隱而顯言人之過也微而著智而不能及明  
而不能見孰克如此墨子刺其形殘孔叢子曰漆雕開



形殘非行已之致何傷于德哉程子謂曾點開濶漆雕  
開深穩

樊須字子遲魯人樊皮之後少孔子四十六歲少仕於季  
氏魯哀公十一年齊伐魯及清武叔蒐乘冉求帥左師  
樊遲為右季孫曰須也弱冉有曰年雖少能用命焉師  
及齊師戰于郊齊師自稷曲師不踰溝樊遲曰非不能  
也不信予也請三刻而踰之如之眾從之師入齊軍獲  
甲盾八十齊人遁

司馬耕字子牛宋人司馬向黉之弟自宋來學牛多言而  
躁問仁于孔子子曰仁者其言也訥黉將為鬮牛多憂  
懼孔子告以君子不憂不懼魯哀公十四年黉果作亂

入于曹以叛宋景公使左師向巢伐之巢不能克黉奔  
衛巢奔魯牛致其邑與珪焉而適齊黉自衛入齊陳成  
子使為次卿牛又致其邑而適吳吳人惡之而反趙簡  
子陳成子皆召之卒于魯郭門之外阮氏葬諸丘輿  
公西赤字子華魯人少孔子四十二歲習于禮容應對子  
貢曰齊莊而能肅志通而好禮擯相兩君之事篤雅有  
節是公西赤之行也孔子曰二三子之欲學賓客之禮  
者其于赤也至矣觀其養親則若與朋友處然恩勝禮  
也及孔子之喪公西赤為志焉飾棺墻置晏設披周也  
設崇殷也綢練設旒夏也蓋備三王之制以尊師云  
有若魯人字子有少孔子三十六歲為人強識好古道魯



哀公八年吳伐我微虎欲宵攻王舍私屬徒七百人三踊于幕庭卒三百人有若與焉其文武兼長如此

琴張衛人字子開亦字子張張與子桑戶孟之友三人相謂曰孰能相與于無相與相為于無相為孰能登天遊霧撓排無極相忘以生無所終窮二人相視而笑莫逆于心遂相與為友子桑戶死未葬孔子使子貢往待焉或編曲或鼓琴相和而歌曰嗟來桑戶乎而已反其真而吾猶為人兮子貢問臨尸而歌禮乎二人相視而笑曰吾惡知禮意哉子貢反以告孔子曰彼遊方之外者也以生為附贅縣疣以死為決疣潰癰又惡知死生先及之所在也

申枏魯人家語有申續字子周史記有申黨字周宋邢昺

論語注疏曰申枏孔子弟子在家語作申續在史記作

申黨其實一也 國朝嘉靖中以重名去黨存枏

陳亢陳人字子亢一字子會少孔子四十歲或曰子貢弟

子陳子車死于衛其妻與其家大夫謀以殉葬定而後

陳子亢至以告孔子孔子疾莫養于下請以殉葬子亢曰

以殉葬非禮 然則彼疾當養者孰若妻與妾得已

則吾欲已不 則吾欲以二子者之為之也於是弗

果用今河南開封府太康縣北二十里有子禽墓

巫馬施字子期陳人少孔子三十歲期與子路薪于韞丘

之下陳之富人有處師氏者脂車百乘觴於韞丘之上



子路與期曰使子無忘子之所知亦無進子之所能得此富終身無復見夫子爲之乎期喟然曰吾嘗聞之夫子矣志士不忘在溝壑勇士不忘喪其元子不知予歟子路慚負薪先歸孔子曰由何爲偕出而先返也子路以告孔子曰子道不行邪使汝以是願也期爲魯單父宰戴星而出戴星而入身其勞而治

梁鱸齊人字叔魚少孔子三十九歲年三十未有子欲出其妻商瞿謂曰子未也昔吾年二十八無子吾母爲吾更取室夫子使吾之齊母欲請留夫子曰無憂也瞿過四十當有五丈夫子今果然吾恐子自晚生耳未必妻之過也從之二年而有子

公哲哀齊人字季沉古史云字季次時天下多仕于大夫爲家臣季沉鄙之未嘗屈節爲人臣孔子貴之曰天下無行多爲家臣仕於都惟季沉未嘗仕太史公曰季沉原憲讀書懷獨行君子之德義不苟合當世終身空室蓬戶褐衣蔬食不厭死而後已四百餘年而弟子志之不倦此可以知其賢矣

商瞿魯人字子木少孔子二十九歲孔子嘗使之齊瞿年長無子其母爲娶室而請之孔子筮之曰無憂瞿年四十後當有五丈夫子已而果然瞿特好易孔子傳之志焉瞿嘗爲孔子筮曰子有聖智而無位孔子泣而曰天也命也鳳鳥不來河無圖至嗚呼天命之也嘆訖而息



志瞿傳楚人馭臂子弘弘傳江東人矯子庸疵疵傳燕  
人同子家豎豎傳淳于人光子乘羽羽傳齊人田子莊  
何及秦禁學易為筮卜之書獨不禁故傳受者不絕也  
漢興田何傳之訖于宣元有施讎孟喜梁丘賀京房氏  
列于學官而民間有費高相二家之說

冉孫字子魯魯人少孔子五十歲

顏辛字子柳一云子抑魯人少孔子四十六歲

伯虔魯人字楷少孔子五十歲

曹卹字子循蔡人少孔子五十歲

冉季字子產鄭玄曰魯人

公孫龍字子石少孔子五十三歲困常欲作亂於齊憚高

國鮑晏故移其兵欲以伐魯孔子聞之謂門弟子曰夫  
魯墳墓所處父母之國國危如此二三子何為莫出子  
路請出孔子止之子張子石請行孔子弗許子貢請行  
孔子許之子貢嘗謂子石曰何不學詩子石曰父母求  
吾孝兄弟求吾弟朋友求吾信何暇學哉

漆雕哆字子歛鄭玄曰魯人

秦商字丕慈魯人一云字子南少孔子四歲孟氏之臣秦  
董父與孔子父叔梁紇俱以力聞嘗董重如偃陽之役  
及歸獻子以為右師生秦丕慈事仲尼云

漆雕徒父字子有魯人

顏高字子驕少孔子五十歲杜預曰魯人古史作顏刻定



續文獻通考 卷之二百九十九  
公八年公侵齊門于陽州士皆坐列曰顏高之弓六鈞皆取而傳觀之陽州人出顏高奪人弱弓籍丘子鉏擊之與一人俱斃偃且射子鉏中頰殪定公十四年孔子去衛將適陳過匡顏刻爲僕以其策指之曰昔吾入此由彼缺也匡人聞之以爲魯之陽虎于是止孔子定公十五年孔子在衛子驕爲僕衛靈公與夫人南子同車出而令宦者雍梁參乘使孔子爲次游過市孔子耻之顏刻曰夫子何耻之孔子曰吾未見好德如好色者也  
商澤字子秀魯人  
壤駟赤字子徒鄭玄曰秦人  
任不齊字子選鄭玄曰楚人

石作蜀字子明秦之成紀人

公良孺字子正陳人賢而有勇孔子將適衛蒲人止之孺喟然曰昔我從夫子遇難于匡今又困於此命也挺劍合衆將與之戰蒲人懼乃盟而去

公夏首字彘鄭玄曰魯人

公肩定字子中鄭玄曰魯人

后處字子里鄭玄曰齊人家語作石處字里之

鄒單字子家徐廣曰一云鄒單

奚容蒧字子哲魯人正義曰衛人

罕父黑字子索魯人

顏祖字襄正義曰魯人



榮旂字子祺魯人

秦祖字子南鄭玄曰秦人

左人郢字行鄭玄曰魯人

句井疆字子疆鄭玄曰衛人

鄭國字子徒魯人古史作鄭邦

公祖句茲字子之魯人

原亢字子籍魯人

縣成字子橫鄭玄曰魯人其先有爲縣大夫者望出扶風  
風俗通作縣成父縣子問子思曰顏回問爲邦夫子曰  
行夏之時若是殷周異正爲非乎子思曰受禪于王者  
則襲其統受命于天者則革之所以神其事如天道之

變然也三統之義夏得其正是以夫子云又問子思曰  
子之先君見子產時則兄事之而世謂子產仁愛稱夫  
子聖人是謂聖道事仁愛乎吾未諭其人之孰先後也  
故質于子子思曰昔子游荅季康子曰以子產之仁愛  
譬夫子其猶浸水之與膏雨乎康子曰子產死鄭國之  
人丈夫含玦珮婦人含珠瑱巷哭三月竿瑟不作夫子  
之死也吾未聞魯人之若是也奚故哉子游曰夫浸水  
之所及也則生其所不及則死故民皆知焉膏雨之所  
生也廣莫大焉民之受賜也普矣莫識其由來者上德  
不德是以無德縣子曰其然

廉潔字子魯鄭玄曰衛人古史曰字庸



燕伋字思秦人

叔仲瞻魯人鄭玄曰晉人字子期少孔子五十歲與孔璇  
年相比二孺子俱執筆迭侍于夫子孟武伯見孔子而  
問曰此二孺子之幼也於學豈能識于壯哉孔子曰然  
少成則若性也習慣若自然也

顏之僕字子叔鄭玄曰魯人

邾巽字子欽鄭玄曰魯人

樂欬字子聲正義曰魯人

公西與如字子上魯人

狄黑字皙之衛人

孔忠字子茂孔子兄孟皮之子茂問行已之道子曰知而

弗為莫如弗知親而弗信莫如勿親福之方至樂而勿  
驕患之將至思而勿憂子茂曰行已乎子曰攻其所不  
能備其所不足毋以其所能驕人終日言無遺已之憂  
終日行不遺已之患惟智者有之

公西蔵字子尚鄭玄曰魯人

步叔燾字子車鄭玄曰齊人

施之常字子常魯人

秦非字子之鄭玄曰魯人

顏噲字子聲鄭玄曰魯人

已上諸賢 皇明初從先世封爵至嘉靖中俱改稱先  
賢某子



孟子名軻字子輿一字子車鄒人也三歲喪父激公宜母  
單園  
伋氏有賢德三遷以教稍長就學斷機爲喻軻乃旦夕  
勤學不息請見子思命子上侍坐禮敬甚崇子上曰白  
聞士無介不見女無媒不嫁孟孺子無介而見大人悅  
而敬之白也未諭子思曰孟軻言稱堯舜性善仁義世  
所希有事之猶可况加敬乎軻與子思講論堯舜文武  
之道牧民之方道旣通乃適齊梁當時天下務于縱衡  
以攻伐爲尚而孟氏乃述唐虞三代之德是以所如不  
合退而與萬章之徒序詩書述仲尼之意作孟子七篇  
以詔來世

孟子封爵 國初俱仍其舊至嘉靖中改稱亞聖孟子

續文獻通考卷之一百九十九終

續文獻通考卷之一百九十九

二十六 四十三



續文獻通考 卷之百九十九

二十五

孟子性善 國既其公其善至嘉誠中如蘇亞聖孟子

通文



